

四庫全書

史部

欽定四庫全書

史部

前漢書

目錄
卷一上

詳校官侍讀臣陳萬青

洗馬臣王坦修覆勘

覆校官中書臣馮培

校對官中書臣王璵

謄錄舉人臣王天祿

御製題宋版前漢書

冠冕琳瑯天祿收因刊書目閱從頭

內府舊藏宋槧前漢書為天祿琳瑯

之冠茲因校勘四庫全書總目復閱及之更覺其精妙罕匹

吳藏本自趙魏國楚得

重歸王弼州久入上方不知故

其書初為趙孟頫所藏入明則自陸顧兩家展

轉流傳歸之王世貞趙與王皆于卷前自畫其像王并有跋向雅題識簡端亦未及此汲之經意也

茲編

四庫識其由舊孟新等多佳玉却笑無能大白浮

金
尺
尺
全
三
言

御製讀漢書

父欲安劉劉未安子謀安呂呂為殘其基高帝失長算
平勃奚稱智力殫

張良進四皓非安劉實害劉此杜牧之卓識向曾屢
見題詠茲不複綴夫辟疆非良之子乎乃以安呂之
計教陳平平巧詐患失之小人也圖脫禍而聽其言
呂氏權由此起設非后死而軍左袒則天下已為呂
矣平勃又焉能安劉哉然其失總因高帝既知惠帝

不類已當廢之而立文帝乃牽私愛而欲立如意夫
如意孺子也焉知其類已乎此由寵戚姬耳卒致戚
姬為人彘惠帝引酒自廢而高帝諸子被殺者復三
人吾以為呂雉之禍實高帝自召之而陳平之請封
諸呂實佐之謂之為巧詐患失之小人不亦宜乎

御製讀叔孫通傳

叔孫待詔時諛言免虎口漢王憎儒服短衣隨左右
繇叢肆朝儀百官敬奔走尊卑各以次奉觴起上壽
繇嗣拜奉常五百賜金受諸生悉為郎分金不已有諸生乃
推伏叔孫聖人否子輿闢衍儀其道比妾婦賢哉魯兩
生窮不失所守

--	--	--	--	--	--	--	--

御製讀前漢書汲黯傳

踞廁視侍中如孟說各殊劉云當從孟吾亦云然乎

漢書注如

淳以廁為溷孟康以廁為牀邊側孟說似屬近理可從不則常人登溷尚知避人況人主乎即令宴見何難少須乃有聽其就溷入視之事曲解相沿蓋特泥沛公如廁之文亦由馬遷誣記為作俑耳丞相弘宴

覲時或不冠夫均應為輕之亦失禮貌無不冠不見黯
遙望避帷趨其敬有如此何不重用渠然吾有疑焉治
身禮樂須弗冠以臨下豈為恭已模蘭臺語過夸馬遷
之同途讀史貴明理乃鮮失于誣

--	--	--	--	--	--	--	--

御製讀蘇武傳

成仁不辱自堪表齧雪餐旃恐未然遷史好竒班亦爾

子輿早及武成篇

常謂正史當存實錄毋貴竒特苟其事足信人義足勸世斯可矣如蘇武

之仗節誓死不辱君命誠人臣之極則捺節牧羶有百折不回之氣匈奴敬之始而絕飲繼則給食是誠情理所必有而亦忠貞之可傳也若必謂齧雪咽旃則雪或可齧旃必不可咽即一時齧之咽之亦非數日可常藉以不死之事以是為武節將恐智者疑其不然矣予故論其竒而闢之又武掘野鼠去草實而食之張宴注謂取鼠及草實并而食之師古是蘇林之說以為取鼠所蔽草實而食之張注誠舛鼠無可食之理而劉攽以為北方野鼠之類甚多皆可食誠堪噴飯今漢北有野鼠蒙古名曰鄂和托那每取草實藏穴中以為食其草實之

名則曰墨克爾他驟弗取喀爾喀窮乏之人多有掘得
之以為充饑具然必留少許於穴中蓋謂既攘彼食不
宜盡絕其糧致饑而死也此事足徵武所
為而惜蘇林師古所載皆未詳故並識之

御製讀蕭望之傳

東海有鉅儒治經修素履露索不肯聽抱關為祿仕宣
廟嚮聞名對策稱進止一歲乃三遷何以酬知己雅意
本在朝平原辭刺史馮翊復移病諭意事方視雖曰不要
君其孰信乎此義利抗明辨而胡自擅使大閑固未踰
小節詎盡美恭顯方枘政薰蕕無合理子伋上書訟適
用速讒毀浸潤災无妄延緣禍自取叶慷慨飲藥終足
以厲懦鄙一再猶不知渭陵實暗矣

--	--	--	--	--	--	--	--	--

御製讀史丹傳

史美頃侯輔道周皇孫燕啜竟貽憂恰如杜牧評黃綺
不是安劉是滅劉

金匱要略卷之八



御製讀翟方進傳

孤童耻小史携母旅京師努力績經學名節頗自持謙
牧讓胡常藉甚名譽馳効免兩司隸風厲人共知胡乃
右丞相託言漢舊儀御坐為起立在輿為下之太陽下
同物仰照真乖宜薛宣誠掾史豈得謂無私其後果代
宣公絜弗苟為求指濟深文好勝勇遂非疾惡固云直
修怨寧匪熾長辜猶隱諱星變遂戚貽白馬賜上尊啜
泣亦已遲反復鴻隙陂童謡翟子威

欽定四庫全書

御製讀龔遂傳

賣劍令買牛賣刀令買犢千古傳名談此義欠三復賣
必有買者刀劍仍齊俗力耕果誰是何致有積蓄設曰
售他方道遠舂糧宿以隣國為壑亦非王政穆王生所
教言天子悅謙牧日日不相視息忙醉相告少卿本通
政明經蘊以夙數語誰弗知奚待彼私淑馬遷已好竒
孟堅繼其躅不如斯者多史策誠難讀

金定四庫全書

--	--	--	--	--	--	--	--	--

欽定四庫全書

前漢書敘例

唐正議大夫行祕書少監琅邪縣開國子顏師古撰

儲君體上哲之姿膺守器之重俯降三善博綜九流觀
炎漢之餘風究其終始懿孟堅之述作嘉其宏贍以為
服應曩說疎紊尚多蘇晉衆家剖斷蓋妙蔡氏纂集尤
為抵牾自茲以降蔑足有云悵前代之未周愍將來之
多惑顧召幽仄俾竭芻蕘匡正睽違徼揚鬱滯將以博

喻胄齒遠覃邦國弘敷錦帶啓導青衿曲稟宏規備蒙
嘉惠增榮改觀重價流聲斗筭之材徒思罄力駕蹇之
足終慙遠致歲在重光律中大呂是謂涂月其書始就
不耻狂簡輒用上聞粗陳指例式存揚摧

漢書舊無註解唯服虔應劭等各為音義自別施行至
典午中朝爰有晉灼集為一部凡十四卷又頗以意增
益時辯前人當否號曰漢書集註屬永嘉喪亂金行播
遷此書雖存不至江左是以爰自東晉迄于梁陳南方

學者皆弗之見有臣瓚者莫知氏族考其時代亦在晉初又總集諸家音義稍以已之所見續廁其末舉駁前說喜引竹書自謂甄明非無差爽凡二十四卷分為兩帙今之集解音義則是其書而後人見者不知臣瓚所作乃謂之應劭等集解王氏七志阮氏七錄並題云然斯不審耳學者又斟酌瓚姓附著安施或云傳族既無明文未足取信蔡謨全取臣瓚一部散入漢書自此以來始有注本但意浮功淺不加隱括屬輯乖舛錯亂實

多或乃離析本文隔其辭句穿鑿妄起職此之由與未注之前大不同矣謨亦有兩三處錯意然於學者竟無弘益

漢書舊文多有古字解說之後屢經遷易後人習讀以意刊改傳寫既多彌更淺俗今則曲覈古本歸其真正一往難識者皆從而釋之

古今異言方俗殊語末學膚受或未能通意有所疑輒就增損流遞忘返穢濫實多今皆刪削克復其舊

諸表列位雖有科條文字繁多遂致舛雜前後失次上
下乖方昭穆參差名實虧廢今則尋文究例普更刊整
澄蕩愆違審定阡陌就其區域更為局界非止尋讀易
曉庶令轉寫無疑

禮樂歌詩各依當時律呂修短有節不可格以恒例讀
者茫昧無復識其斷章解者支離又乃錯其句韻遂使
一代文采空韞精奇累葉鑽求罕能通習今並隨其曲
折剖判義理歷然易曉更無疑滯可得諷誦開心順耳

凡舊注是者則無間然具而存之以示不隱其有指趣畧舉結約未伸衍而通之使皆備悉至於詭文僻見越理亂真匡而矯之以祛惑蔽若汎說非當蕪辭競逐苟出異端徒為煩冗抵穢篇籍蓋無取焉舊所闕漏未嘗解說普更詳釋無不洽通上考典謬旁究蒼雅非苟臆說皆有援據六藝殘缺莫覩全文各自名家揚鑣分路是以向歆班馬仲舒子雲所引諸經或有殊異與近代儒者訓義弗同不可追駁前賢妄指瑕類曲從後說苟

會局塗今則各依本文敷暢厥指非不考練理固宜然亦猶康成注禮與其書易相借元凱解傳無係毛鄭詩文以類而言其意可了爰自陳項以迄哀平年載既多綜輯斯廣所以紀傳表志時有不同當由筆削未休尚遺舛裨亦為後人傳授先後錯雜隨手率意遂有乖張今皆窮波討源構會甄釋

字或難識兼有借音義指所由不可暫闕若更求諸別卷終恐廢於披覽今則各於其下隨即翻音至如常用

可知不涉疑昧者衆所共曉無煩翰墨

近代注史競為該博多引雜說攻擊本文至有詆訶言
辭倚撫利病顯前修之純僻騁已識之優長乃效矛盾
之仇讐殊乖粉澤之光潤今之注解翼贊舊書一遵軌
轍閉絕岐路

諸家注釋雖見名氏至於爵里頗或難知傳無所存具
列如左

荀悅字仲豫潁川人後漢秘書監

撰漢紀三十卷其事皆出漢書○宋祁曰

景祐間余靖校本注末有後人
取悅所著書入於注本十一字

服虔字子慎滎陽人後漢尚書侍郎高平令九江太守

初名重改名
祇後定名虔

應劭字仲瑗

一字仲瑗
一字仲遠

汝南南頓人後漢蕭令御史營

令泰山太守

伏儼字景宏琅邪人

劉德北海人

鄭氏晉灼音義序云不知其名而臣瓚集解輒云鄭德

既無所據今依晉灼但稱鄭氏耳

○宋祁曰景祐余靖校本云鄭氏舊

傳晉灼集注云北海人不知其名而臣瓚以為鄭德今書但稱鄭氏

李斐不詳所出郡縣

李奇南陽人

鄧展南陽人魏建安中為奮威將軍封高樂鄉侯

文穎字叔良南陽人後漢末荊州從事魏建安中為甘

陵府丞

張揖字稚讓清河人

一云河間人

魏太和中為博士

止解司馬相如

傳一
卷

蘇林字孝友陳留外黃人魏給事中領秘書監散騎常侍永安衛尉大中大夫黃初中遷博士封安成亭侯

○宋祁曰景祐余靖校本孝友字下有
有一云彥友四字安成亭侯無亭字

張晏字子博中山人

如淳馮翊人魏陳郡丞

孟康字公休安平廣宗人魏散騎侍郎宏農太守領典農校尉勃海太守給事中散騎常侍中書令後轉為

監封廣陵亭侯

項昭不詳何郡縣人

韋昭字弘嗣吳郡雲陽人吳朝尚書郎太史令中書郎
博士祭酒中書僕射封高陵亭侯

晉灼河南人晉尚書郎

劉寶字道真高平人晉中書郎河內太守御史中丞太

子中庶子吏部郎安北將軍

侍皇太子講漢書別有
駁義○宋祁曰景祐余

靖校本云劉寶字道字高
平人晉吏部侍郎餘無說

臣瓚不詳姓氏及郡縣

○宋祁曰景祐余靖校本云臣瓚不知何姓案裴駟史記序云

莫知姓氏韋稜續訓又言未詳而劉孝標類苑以為于瓚酈元注水經以為薛瓚姚察訓纂云案庾翼集于瓚為翼主簿兵曹參軍後為建威將軍晉中興書云翼病卒而大將于瓚等作亂翼長史江彪誅之于瓚乃是翼將不載有注解漢書然瓚所采眾家音義自服虔孟康以外並因晉亂湮滅不傳江左而高紀中瓚案茂陵書文紀中案漢祿秩令此二書亦復亡失不得過江明此瓚是晉中朝人未喪亂之前故得具其先輩音義及茂陵書漢令等耳蔡謨之江左以瓚二十四卷散入漢書今之注也若謂為于瓚乃是東晉人年代前後了不相會此瓚非于足可知矣又案穆天子傳目錄云祕書校書郎中傳瓚校古文穆天子傳日記穆天子傳者汲縣人不準盜發古塚所得書今漢書音義臣瓚所案多引汲書以駁眾家訓

義此瓚疑是傅瓚瓚時職典校書故稱臣也顏師古曰後人斟酌瓚姓附之傳族耳既無明文未足取信

郭璞字景純河東人晉贈弘農太守

止注相如傳序及游獵詩賦

蔡謨字道明陳留考城人東晉侍中五兵尚書太常領

祕書監都督徐兗青三州諸軍事領徐州刺史左光

祿大夫開府儀同三司領揚州牧侍中司徒不拜贈

侍中司空謚文穆公

崔浩字伯深清河人後魏侍中特進撫軍大將軍左光

祿大夫司徒封東郡公

撰荀悅漢紀音義○宋祁曰景祐校本作字伯淵

前漢書敘例考證

儲君體上哲之姿云云。臣召南按顏師古因太子承乾之命注釋漢書故此序首言儲君其書成於貞觀十五年歲在辛丑故曰歲在重光也

苟會局塗。○監本別本俱訛作局塗非也今從古本改諸家注釋雖見名氏云云臣浩按此另為一條監本接連前文非是今提行寫

魏建安中。○顧炎武日知錄曰敘例列姓氏鄧展文穎

下並云魏建安中建安乃獻帝年號雖政出曹氏不得遽名以魏臣召南按日知錄說是又文穎魏建安中為甘陵府丞按兩漢無府丞官名甘陵改自安帝或如續志太常屬官每陵園令各一人丞及校長各一人則文穎為甘陵丞不得云為甘陵府丞也

清河人一云河間人。○河間訛阿間今改正臣召南按

師古所列諸家名氏自荀悅至崔浩共二十三人而監本載宋景祐時余靖上言總先儒注解名姓可見

者三十五人蓋三十五條二十三傳寫之訛也不然
宋祁謂諸家名氏已附注顏師古敘例之下益不可
解矣

前漢書敘例考證

欽定四庫全書

史部一

前漢書目錄

正史類

漢

蘭

臺

令

史班

固撰

唐正議大夫行秘書少監琅邪縣開國子顏師古注

帝紀

前漢書卷一上

帝紀第一上

高祖

邦

欽定四庫全書

前漢書

前漢書卷一下

帝紀第一下

高祖

前漢書卷二

帝紀第二

惠帝盈

前漢書卷三

帝紀第三

高后雉

前漢書卷四

帝紀第四

文帝恒

前漢書卷五

帝紀第五

景帝啓

前漢書卷六

帝紀第六

武帝徹

前漢書卷七

帝紀第七

昭帝弗陵

前漢書卷八

帝紀第八

宣帝詢

前漢書卷九

帝紀第九

元帝奭

前漢書卷十

帝紀第十

成帝騫

前漢書卷十一

帝紀第十一

哀帝

欣

前漢書卷十二

帝紀第十二

廿

平帝

衍

表

前漢書卷十三

表第一

異姓諸侯王

前漢書卷十四

表第二

諸侯王

前漢書卷十五上

表第三上

王子侯

前漢書卷十五下

表第三下

王子侯

前漢書卷十六

表第四

高惠高后孝文功臣

前漢書卷十七

表第五

景武昭宣元成哀功臣

前漢書卷十八

表第六

外戚恩澤侯

前漢書卷十九上

表第七上

百官公卿

前漢書卷十九下

表第七下

百官公卿

前漢書卷二十

表第八

古今人

志

前漢書卷二十一上

志第一上

律歷

前漢書卷二十一下

志第一下

律歷

前漢書卷二十二

志第二

禮樂

前漢書卷二十三

志第三

刑法

前漢書卷二十四上

志第四上

食貨

前漢書卷二十四下

志第四下

食貨

前漢書卷二十五上

志第五上

郊祀

前漢書卷二十五下

志第五下

郊祀

前漢書卷二十六

志第六

天文

前漢書卷二十七上

志第七上

五行

前漢書卷二十七中之上

志第七中之上

五行

前漢書卷二十七中之下

志第七中之下

五行

前漢書卷二十七下之上

志第七下之上

五行

前漢書卷二十七下之下

志第七下之下

五行

前漢書卷二十八上

志第八上

地理

前漢書卷二十八下

志第八下

地理

前漢書卷二十九

志第九

溝洫

前漢書卷三十

志第十

藝文

列傳

前漢書卷三十一

列傳第一

陳勝

項羽

前漢書卷三十二

列傳第二

張耳 子敖

陳餘

前漢書卷三十三

列傳第三

魏豹

田儋

韓王信

前漢書卷三十四

列傳第四

韓信

彭越

英布

盧綰

吳芮

前漢書卷三十五

列傳第五

荆王賈

燕王澤

吳王濞

前漢書卷三十六

列傳第六

楚元王

交

劉向

子歆

前漢書卷三十七

列傳第七

季布

爰布

田叔

前漢書卷三十八

列傳第八

高五王

齊悼惠王

肥

趙隱王

如意

趙幽王

友

趙共王

恢

燕靈王

建

前漢書卷三十九

列傳第九

蕭何

曹參

前漢書卷四十

列傳第十

張良

陳平

王陵

周勃
子亞夫

前漢書卷四十一

列傳第十一

樊噲

酈商

夏侯嬰

灌嬰

傅寬

靳歙

周緤

前漢書卷四十二

列傳第十二

張蒼

周昌

趙堯

任敖

申屠嘉

前漢書卷四十三

列傳第十三

酈食其

陸賈

朱建

婁敬

叔孫通

前漢書卷四十四

列傳第十四

淮南厲王

長

衡山王

賜

濟北王

勃

前漢書卷四十五

列傳第十五

蒯通

伍被

江充

息夫躬

前漢書卷四十六

列傳第十六

石奮

衛綰

直不疑

周仁

張毆

前漢書卷四十七

列傳第十七

文三五

梁孝王 武

代孝王 參

梁懷王 揖

前漢書卷四十八

列傳第十八

賈誼

前漢書卷四十九

列傳第十九

爰盎

晁錯

前漢書卷五十

列傳第二十

張釋之

馮唐

汲黯

鄭當時

前漢書卷五十一

列傳第二十一

賈山

鄒陽

枚乘

子臯

路溫舒

前漢書卷五十二

列傳第二十二

竇嬰

田蚡

灌夫

韓安國

前漢書卷五十三

列傳第二十三

景十三王

河間獻王

德

臨江哀王

閔

臨江閔王

榮

魯恭王

餘

江都易王

非

膠西于王

端

趙敬肅王

彭祖

中山靖王

勝

長沙定王

發

廣川惠王

越

膠東康王

寄

清河哀王

乘

常山憲王

舜

前漢書卷五十四

列傳第二十四

李廣

孫陵

蘇建

子武

前漢書卷五十五

列傳第二十五

衛青

霍去病

李息

公孫敖

郭昌

李沮

路博德

張次公

趙破奴

趙信

前漢書卷五十六

列傳第二十六

董仲舒

前漢書卷五十七上

列傳第二十七上

司馬相如

前漢書卷五十七下

列傳第二十七下

司馬相如

前漢書卷五十八

列傳第二十八

公孫弘

卜式

兒寬

前漢書卷五十九

列傳第二十九

張湯

子安世

安世子延壽

前漢書卷六十

列傳第三十

杜周

子延年

延年子緩

緩弟欽

前漢書卷六十一

列傳第三十一

張騫

李廣利

前漢書卷六十二

列傳第三十二

司馬遷

前漢書卷六十三

列傳第三十三 武五子

戾太子

據

齊懷王

閔

燕刺王

旦

廣陵厲王

胥

昌邑哀王

髡

前漢書卷六十四上

列傳第三十四上

嚴助

朱買臣

吾丘壽王

主父偃

徐樂

前漢書卷六十四下

列傳第三十四下

嚴安

終軍

王褒

賈捐之

前漢書卷六十五

列傳第三十五

東方朔

前漢書卷六十六

列傳第三十六

公孫賀 子敬聲

劉屈氂

車千秋

王訢

楊敞

子憚

蔡義

陳萬年

子咸

鄭弘

前漢書卷六十七

列傳第三十七

楊王孫

胡建

朱雲

梅福

云敞

前漢書卷六十八

列傳第三十八

霍光

金日磾

子安上

前漢書卷六十九

列傳第三十九

趙充國

辛慶忌

前漢書卷七十

列傳第四十

傅介子

常惠

鄭吉

甘延壽

陳湯

段會宗

前漢書卷七十一

列傳第四十一

雋不疑

疏廣 廣兄子受

于定國

薛廣德

平當

彭宣

前漢書卷七十二

列傳第四十二

王吉

子駿

孫崇

貢禹

龔勝

龔舍

傳云兩龔是也

鮑宣

唐林

薛方

前漢書卷七十三

列傳第四十三

韋賢

子玄成

前漢書卷七十四

列傳第四十四

魏相

丙吉

前漢書卷七十五

列傳第四十五

眭弘

夏侯始昌

夏侯勝

京房

翼奉

李尋

前漢書卷七十六

列傳第四十六

趙廣漢

尹翁歸

韓延壽

張敞

王尊

王章

前漢書卷七十七

列傳第四十七

蓋寬饒

諸葛豐

劉輔

鄭宗

孫寶

毋將隆

何並

前漢書卷七十八

列傳第四十八

蕭望之

子育

咸

由

前漢書卷七十九

列傳第四十九

馮奉世

子野王
立參

遂

前漢書卷八十

列傳第五十

宣元六王

淮陽憲王

欽

楚孝王

囂

東平思王

宇

中山哀王

竟

定陶共王

康

中山孝王

興

前漢書卷八十一

列傳第五十一

匡衡

張禹

孔光

馬宮

前漢書卷八十二

列傳第五十二

王商

史丹

傅喜

前漢書卷八十三

列傳第五十三

薛宣

朱博

前漢書卷八十四

列傳第五十四

翟方進

子宣

義

前漢書卷八十五

列傳第五十五

谷永

杜鄴

前漢書卷八十六

列傳第五十六

何武

王嘉

師丹

前漢書卷八十七上

列傳第五十七上

揚雄

前漢書卷八十七下

列傳第五十七下

揚雄

前漢書卷八十八

列傳第五十八

儒林

丁寬

施讐

孟喜

梁丘賀

京房

費直

高相

伏生

歐陽生

林尊

夏侯勝

周堪

張山拊

孔安國

申公

王式

轅固

后蒼

韓嬰

趙子

毛公

孟卿

胡毋生

嚴彭祖

顏安樂

瑕丘江公

房鳳

前漢書卷八十九

列傳第五十九

循吏

文翁

王成

黃霸

朱邑

龔遂

名信臣

前漢書卷九十

列傳第六十

酷吏

郅都

寧成

周陽由

趙禹

義縱

王溫舒

尹齊

楊僕

咸宣

田廣明

田延年

嚴延年

尹賞

前漢書卷九十一

列傳第六十一

貨殖

范蠡

子贛

白圭

猗頓

烏氏羸

巴寡婦清

蜀卓氏

程鄭

宛孔氏

丙氏

刁間

師史

宣曲任氏

前漢書卷九十二

列傳第六十二

游俠

朱家 楚田仲

劇孟 王孟

郭解

萬章

樓護

陳遵

原涉

前漢書卷九十三

列傳第六十三

佞幸

鄧通

趙談

韓嫣

李延年

石顯

淳于長

張放

董賢

前漢書卷九十四上

列傳第六十四上

匈奴

前漢書卷九十四下

列傳第六十四下

匈奴

前漢書卷九十五

列傳第六十五

西南夷

南粵王

閩粵王

朝鮮

前漢書卷九十六上

列傳第六十六上

西域

前漢書卷九十六下

列傳第六十六下

西域

前漢書卷九十七上

列傳第六十七上

外戚

前漢書卷九十七下

列傳第六十七下

外戚

前漢書卷九十八

列傳第六十八

元后

前漢書卷九十九上

列傳第六十九上

王莽

前漢書卷九十九中

列傳第六十九中

王莽

前漢書卷九十九下

列傳第六十九下

王莽

前漢書卷一百上

傳第七十上

敘傳

前漢書卷一百下

傳第七十下

敘傳

西漢十二帝起高祖元年乙未盡王莽地
皇四年癸未合二百二十九年

帝紀一十二卷

十三卷

表八卷

十卷

志十卷

十八卷

列傳七十九卷

七十卷

共一百二十卷

臣等謹案漢書一百二十卷漢班固撰其妹班昭續成之始末具後漢書本傳是書歷代寶傳咸無異論惟南史劉之遴傳云鄱陽嗣王範得班固所撰漢書真本獻東宮皇太子令之遴與張纘到溉陸襄等叅校異同之遴錄其異狀數十事以今考之則語皆謬妄據之遴云古本漢書稱永平十年五月二十日巳酉郎班固上而今本無上書年月日子案

固自永平受詔修漢書至建初中乃成又班
昭傳云八表并天文志未竟而卒和帝詔昭
就東觀藏書踵成之是此書之次第續成事
隔兩朝撰非一手之遴所見古本既有紀表
志傳乃云總于永平中表上殆不考成書之
年月也之遴又云古本叙傳號為中篇今本
為叙傳又今本叙傳載班彪事行而古本云
彪自有傳夫古書叙皆載於卷末固自述作

書之意故謂之叙追溯祖父之事迹故謂之傳後代史家皆沿其例之遺謂原作中篇文繫篇末中字竟何義也至云彪自有傳語尤荒誕彪在光武之世舉茂才為徐令以病去官後數應三公之名實為東漢之人惟附於叙傳故可於况伯旂禪之後詳其生平若自為一傳列於西漢則斷限之謂何奚不考叙傳所云起元高祖終于孝平王莽之誅乎之遺

又云今本紀及表志列傳不相合為次而古
本相合為次總成三十八卷案固自言紀表
志傳凡百篇篇即卷也是不為三十八卷之
明證又言述紀十二述表八述志十述列傳
七十是各為次第之明證且隋志作一百十
五卷今本作一百二十卷皆以卷帙太重故
析為子卷今本紀分一子卷表分二子卷若併
為三十八卷則卷帙更重古書著之竹帛殆

恐不可行也之遊又云今本外戚在西域後
古本次帝紀下又今本高五子文三王景十
三王孝武六子宣元六王雜在諸傳中古本
諸王恚次外戚下在陳項傳上夫紀表志傳
之叙固自言之如之遊所述則傳次于紀而
表志反在傳後且諸王既以代相承宜總題
諸王傳何以叙傳作高五王傳第八文三王
傳第十七景十三王傳第二十三武五子傳

第三十三宣元六王傳第五十耶且漢書始
改史記之項羽本紀陳勝世家為列傳自應
居列傳之首豈得移在諸王之後其述外戚
傳第六十七元后傳第六十八王莽傳第六
十九明以王莽之勢成于元后史家微意寓
焉若移外戚傳次于本紀是惡知史法哉之
邊又引古本述云淮陰毅毅伏劍周章邦之
傑子實惟彭英化為侯王雲起龍驤然今芮

尹江湖句有張晏注是晏所見者即是今本
况之遘傳所云獻太子者謂昭明太子也文
選載漢書述贊云信惟餓隸布實黥徒越亦
狗盜芮尹江湖雲起龍驤化為侯王與今本
同是昭明亦知之遘所謂古本者不足信矣
自漢張霸始撰偽經至梁人於漢書復有偽
撰古本然一經考証紕繆顯然顏師古註本
冠以指例六條歷述諸家不及之遘所說蓋

當已灼知其偽李延壽不訊端末遽載于史
亦可云愛奇嗜博茫無裁斷矣固作是書有
受金之謗劉知幾史通尚述之然文心雕龍
史傳篇曰徵賄鬻筆之愆公理辨之究矣是
無其事也又有竊據父書之謗然韋賢程方
進元后三傳俱稱司徒掾班彪曰顏師古註
發例於韋賢傳曰漢書諸贊皆固所為其有
叔皮先論述者固亦顯以示後人而或者謂

固竊盜父名觀此可以免矣是亦無其事也
師古註條理精密實為獨到然唐人多不用
其說故猗覺寮禠記稱師古註漢書魁梧音
悟粟姚皆音去聲杜甫用魁梧粟姚皆作平
聲楊巨源詩請問漢家誰第一麒麟閣上識
鄴侯亦不用音贊之說殆貴遠賤近自古而
然歟要其疏通證明究不愧班固功臣之目
固不以一二字之出入病其大體矣乾隆四

十九年六月恭校上

總纂官臣紀昀臣陸錫純臣孫士毅

總校官臣陸費墀

厚反口反仁言

一

提要

--	--	--	--	--	--	--	--

欽定四庫全書

前漢書卷一上

漢 蘭 臺 令 史班 固撰

唐正議大夫行祕書少監琅邪縣開國子顏師古注

高帝紀第一上

師古曰紀理也統理衆
事而繫之於年月者也

高祖

荀悅曰諱邦字季邦之字曰國張晏曰禮諡法無
高以為功最高而為漢帝之太祖故特起名焉師

古曰邦之字曰國者
臣下所避以相代也

沛豐邑中陽里人也

應劭曰沛縣
也豐其鄉也

孟康曰後沛為郡而豐為縣師古曰沛者本秦泗水郡之屬縣豐者沛之聚邑耳方言高祖所生故舉其本稱以說之也此下言縣鄉邑告諭之故知邑繫於縣也

○劉攽

曰予謂沛豐郡縣名史官用漢事記錄耳

姓

劉氏

師古曰本出劉累而范氏在秦者又為劉因以為姓

母媪

文穎曰幽州及漢中皆謂老媪為媪

孟康曰媪母別名音烏老反師古曰媪女老稱也孟音是矣史家不詳著高祖母之姓氏無得記之故取當時相呼稱號而言也其下王媪之屬意義皆同至如皇甫謐等妄引識記好奇騁博強為高祖父母名字皆非正史所說蓋無取焉寧有劉媪本姓實存史遷肯不詳載即理而言斷可知矣他皆類此

嘗息大澤

之陂

師古曰蓄水曰陂蓋於澤陂隄塘之上休息而寢寐也陂音彼皮反

夢與神遇

師古曰遇

會也不期而會曰遇是時雷電晦冥

師古曰晦冥皆謂暗也言大雷電而雲霧晝暗

父太

公往視則見交龍於上巳而有娠

應劭曰娠動懷任之意左傳曰邑姜方娠

孟康曰娠音身漢史身多作娠古今字也師古曰孟說是也漢書皆以娠為任身字邑姜方震自為震動之字

不作

遂產高祖高祖為人隆準而龍顏

服虔曰準音拙應劭曰隆高也

準頰權準也顏頤頰也李斐曰準鼻也文穎曰音準的之準晉灼曰戰國策云眉目準頤權衡史記秦始皇蜂目長準李說文音是也師古曰頰權頤

美須髯

師古曰在頤曰

須在頰曰髯髯音人占反

左股有七十二黑子

師古曰今中國通呼為黥子吳楚俗謂之

誌誌者記也。宋祁曰注文景德本黥下有黑字余靖等刊誤以史記注為據刪去

寬仁愛人意

豁如也

師古曰豁然開大之貌音呼活反

常有天度不事家人生產作

業及壯試吏

應劭曰試用補吏

為泗上亭長

師古曰秦法十里一亭亭長者主亭

之吏也亭謂停留行旅宿食之館

廷中吏無所不狎侮

師古曰廷中郡府廷之中廷音

定他皆類此

好酒及色常從王媪武負貫酒

如淳曰武姓也俗謂老大夫為

阿負師古曰劉向列女傳云魏曲沃負者魏大夫如耳之母也此則古語謂老母為負耳王媪王家之媪也武負武家之母也貫賒也李登呂忱並音式制反而今之讀者謂與射同乃引地名射陽其字作貫以為證驗此說非也假令地名為射自是假借亦猶鮑陽音紂蓮勺音酌當時所呼別有意義豈得即定其字以為正音乎

時飲醉卧武負王媪見其上常有怪高祖每酤留飲酒

讎數倍

如淳曰讎亦售也○宋祁曰一本無常字

及見怪歲竟此兩家常折

券棄負

師古曰以簡牘為契券既不徵索故折毀之棄其所負

高祖常繇咸陽

應劭

曰繇者役也文穎曰咸陽今渭北渭城是也師古曰咸陽秦所都繇讀曰徭古通用字○劉攽曰常作嘗縱

觀秦皇帝

師古曰縱放也天子出行放人令觀觀音工喚反

喟然大息曰嗟乎

大丈夫當如此矣

師古曰喟歎息貌大息言其歎息之大喟音丘位反

單父人呂

公

孟康曰單音善父音甫師古曰地理志山陽縣也

善沛令辟仇從之客因家

焉

師古曰與沛令相善因辟仇亡匿初就為客後遂家沛也仇讎也音求

沛中豪傑吏聞

令有重客皆往賀

師古曰以禮物相慶曰賀

蕭何為主吏

孟康曰主吏功曹也

主進

文穎曰主賦斂禮進為之帥也鄭氏曰主賦斂禮錢也師古曰進者會禮之財也字本作賁又作贐

音皆同耳古字假借故轉而為進賁又音才忍反陳遵傳云陳遂與宣帝博數負進帝後詔云可以償博進未其進雖有別解然而所賭者之財疑充會食義又與此通

令諸大夫曰進不滿千錢

坐之堂下

師古曰令號令也大

高祖為亭長素易諸吏

師古曰素故也謂舊時也易輕也音弋豉反

乃給為謁曰賀錢萬

應劭曰給欺也師古

曰為謁者書刺自言爵里若今參見尊貴而通名也蓋當時自陳姓名并列賀錢數耳給音徒在反

實不

持一錢謁入呂公大驚起迎之門

師古曰以其錢多故特禮之

呂公

者好相人見高祖狀貌因重敬之引入坐上坐

師古曰上坐尊

處也令於尊處坐上坐音才臥反次如字下亦同

蕭何曰劉季固多大言少成

事高祖因狎侮諸客遂坐上坐無所詘

師古曰詘曲儻也音丘勿反

酒闌

文穎曰闌言希也謂飲酒者半罷半在謂之闌

呂公因目固留高祖

師古曰不

欲對坐者顯言故動目而留之

竟酒後呂公曰臣少好相人

張晏曰古

多自稱臣自卑下之道也若今人相與言自稱僕也

相人多矣無如季相願季自

愛臣有息女願為箕帚妾

師古曰息生也言已所生之女

酒罷呂媼怒

呂公曰公始常欲竒此女與貴人

師古曰竒異也謂顯而異之而嫁於貴人

○朱子文曰欲字宜在女字之下當日始常竒此女欲與貴人於文為順

沛令善公求之

不與何自妄許與劉季呂公曰此非兒女子所知卒與

高祖師古曰呂公女即呂后也生孝惠帝魯元公主服

曰元長也食邑於魯韋昭曰元諡也師古曰公主惠帝之姊也以其最長故號曰元呂后謂高帝曰張王以魯

元故不宜有謀齊悼惠王尊魯元公主為太后當時並已謂之元不得為諡也韋說失之○劉攽曰予謂顏舉

呂后言以明元非諡未必然也史家記事或有如此追言諡者貫高欲謀叛與張敖言謂為高祖公羊公子輩

與桓公言吾為子高祖嘗告歸之田服虔曰告音如嗥呼之嗥李斐曰休

謂之名吉曰告凶曰寧孟康曰古者名吏休假曰告告又音響漢律吏二千石有予告有賜告予告者在官有

功最法所當得也賜告者病滿三月當免天子優賜其告使得帶印綬將官屬歸家治病至成帝時郡國二千

石賜告不得歸家至和帝時子賜皆絕師古曰告者請謁之言謂請休耳或謂之謝謝亦告也假為嗥響二音

並無別義固當依本字以讀之左氏傳曰韓獻子告老禮記曰若不得謝漢書諸云謝病皆同義 呂后

與兩子居田中有一老父過請飲呂后因舖之

師古曰舖食之

舖屈原曰舖其糟是也以食食人亦謂之舖國語曰國中童子無不舖也呂氏春秋曰下壺殮以舖之是也父本請飲后因食之故言舖也舖音必胡反○宋祁曰舖當作必故反 老父相后曰夫人天

下貴人也令相兩子見孝惠帝曰夫人所以貴者乃此

男也

師古曰言因有此男故大貴

相魯元公主亦皆貴老父已去高

祖適從旁舍來呂后具言客有過相我子母皆大貴高

祖問曰未遠乃追及問老父老父曰鄉者夫人兒子皆

以君

如淳曰言并得君之貴相也或以作似師古曰如說非也言夫人及兒子以君之故因得貴耳不當

作似也鄉讀曰嚮

君相貴不可言高祖乃謝曰誠如父言不敢

志德

師古曰誠實也

及高祖貴遂不知老父處高祖為亭長乃

呂竹皮為冠令求盜之薛治

應劭曰以竹始生皮作冠今鵲尾冠是也求盜者亭

卒舊時亭有兩卒一為亭父掌開閉掃除一為求盜掌

逐捕盜賊薛魯國縣也有作冠師故往治之文穎曰高

祖居貧志大取其約省與眾有異韋昭曰竹皮竹筍也

今南夷取竹幼時績以為帳師古曰之往也竹皮筍皮

謂筍上所解之籜耳非竹筠也今人亦往往為筍

皮中古之遺制也韋說失之呂古以字籜音托

冠之
師古曰愛珍此冠
及貴常冠所謂劉氏冠也

師古曰後

時時

遂號為劉氏冠者即此冠也後詔曰爵高祖以亭長為

非公乘以上不得冠劉氏冠者即此冠

縣送徒驪山應劭曰秦始皇葬於驪山故郡國送徒士

也徒多道亡自度比至皆亡之

師古曰度音徒各反比音必寐反他皆類此

到豐西澤中亭止飲

師古曰豐邑之西其亭在澤中因以為名

夜皆解縱所

送徒

師古曰縱放也

曰公等皆去吾亦從此逝矣

師古曰逝往也

徒中

壯士願從者十餘人高祖被酒

師古曰被加也被酒者為酒所加被音皮義反

夜徑澤中

師古曰徑小道也言從小道而行於澤中過故其下曰有大蛇當徑

令一人行

前

師古曰行案行也音胡更反劉攽曰行前但謂最前行耳

行前者還報曰前有

大蛇當徑願還高祖醉曰壯士行何畏乃前拔劍斬蛇
蛇分為兩道開行數里醉因卧後人來至蛇所有一老

嫗夜哭人問嫗何哭嫗曰人殺吾子人曰嫗子何為見

殺嫗曰吾子白帝子也化為蛇當道今者赤帝子斬之

應劭曰秦襄公自以居西主少昊之神作西時祠白帝
至獻公時櫟陽雨金以為瑞又作畦時祠白帝少昊金

德也赤帝堯後謂漢也殺之者明漢當滅
秦也○宋祁曰舊本注文無少昊金德也故哭人乃以

嫗為不誠師古曰謂所言不實欲苦之蘇林曰欲困苦辱之師古
曰今書苦字或作笞笞擊

也音丑嫗因忽不見師古曰見音胡後人至高祖覺師古

之反

電反他皆類此

古

曰覺謂寢寐而寤也音功效反

告高祖高祖乃心獨喜自負

應劭曰諸負恃也

從者日益畏之秦始皇帝嘗曰東南有天子氣於是東

游以厭當之

師古曰厭塞也音一涉反宋祁曰當史義音丁浪反

高祖隱於芒

碭山澤間

應劭曰芒屬沛國碭屬梁國二縣之界有山澤之固故隱其間蘇林曰芒音忙遽之忙碭

音唐師古曰碭亦音宕所言屬沛國梁國者皆是注釋之人據見在所屬非必本當時稱號境界他皆類此

吕后與人俱求常得之高祖怪問之吕后曰

○宋祁曰今越本作

高祖怪問吕后后曰

季所居上常有雲氣故從往常得季

師古曰言隨雲

氣所在而求得之

高祖又喜沛中子弟或聞之多欲附者矣

秦二世元年

應劭曰始皇欲以一至萬示不相襲始者一故稱二世

秋七月陳涉

起蕲

蘇林曰蕲音機縣名屬沛國

至陳自立為楚王

李奇曰秦滅楚楚人怨秦故涉

因民之欲自稱楚王從民望也

遣武臣張耳陳餘略趙地

師古曰凡言略地者皆謂

行而取之八月武臣自立為趙王郡縣多殺長吏以應

涉九月沛令欲以沛應之掾主吏蕭何曹參曰

師古曰曹參為

掾蕭何為主吏

君為秦吏今欲背之帥沛子弟恐不聽願君召

諸亡在外者

師古曰時苦秦虐政賦役煩多故有逃亡辟吏

可得數百人因以

劫眾

師古曰劫謂威脅之

眾不敢不聽乃令樊噲召高祖

師古曰噲音快

高祖之衆已數百人矣於是樊噲從高祖來沛令後悔

恐其有變乃閉城城守

師古曰城守者守其城也守音狩他皆類此

欲誅蕭

曹蕭曹恐踰城保高祖

師古曰保安也

高祖乃書帛射

上城

○宋祁曰景德監本作城上

與沛父老曰天下同苦秦久矣今

父老雖為沛令守諸侯並起今屠沛

師古曰屠謂破取城邑誅殺其人如

屠六畜然

沛今共誅令擇可立立之以應諸侯即室家完

師古

曰完全也

不然父子俱屠無為也父老乃帥子弟共殺沛令

開城門迎高祖欲以為沛令高祖曰天下方擾諸侯並

起

師古曰
擾亂也

今置將不善一敗塗地

師古曰一見破敗
即當肝腦塗地

吾

非敢自愛恐能薄

師古曰能謂材也
能本獸名形似熊
足似鹿為物堅中而強力
故人之有

賢材者皆謂之能
獸名安知非此獸有能故以名之

不能完父兄弟

師古

曰鄉邑之人老及長者父兄之行
少及幼者子弟之黨故總而言之

此大事願更擇可者

蕭曹等皆文吏自愛恐事不就

師古曰
就成也

後秦種族其家

師古曰誅
及種族也

盡讓高祖諸父老皆曰平生所聞劉季奇怪

當貴且卜筮之莫如劉季最吉高祖數讓眾莫肯為

師古

曰數音所角
反他皆類此

高祖乃立為沛公

孟康曰楚舊僭稱王其
縣宰為公陳涉為楚王

沛公起應涉故祠黃帝祭蚩尤於沛廷

應劭曰黃帝戰於阪泉以定天

從楚制稱曰公下蚩尤亦古天子好五兵故祠祭之求福祥也臣瓚曰孔子三朝記云蚩尤庶人之貪者非天子也管仲曰割

廬山發而出水金從之出蚩尤受之以作劍戟也師古曰瓚所引者同是大戴禮出用兵篇而非三朝記也其

餘則如應說沛而釁鼓

應劭曰釁祭也殺牲以血塗鼓

禮有釁廟之禮皆無祭事師古曰許慎云釁血祭也然即凡殺牲以血祭者皆為釁安在其無祭事乎又古人

新成鍾鼎亦必釁之豈取釁呼為義

旗幟皆赤師古曰

應氏之說亦未允也呼音火亞反幟音識或作志音義皆同○蕭該音義幟音幟

白帝子所殺者赤帝子故也

由朱子文曰於文為繁自

却添四字當曰旗幟皆赤符嫗所言赤帝子故也義自顯然何必更述斬蛇一事於是少年豪

吏如蕭曹樊噲等皆為收沛子弟得三千人是月項梁

與兄子羽起吳田儋與從弟榮橫起齊服虔曰儋音負擔之擔師古曰

音丁甘反自立為齊王韓廣自立為燕王魏咎自立為魏王

陳涉之將周章西入關至戲應劭曰章字文陳人也戲弘農湖縣西界也孟康曰

水名也蘇林曰在新豐東南三十里師古曰戲在新豐東今有戲水驛其水本出藍田北界橫嶺至此而北流

入渭孟蘇說是東越鄭及華陰數百里然秦將章邯距

始至湖西界應說大失之矣戲音許宜反

破之蘇林曰邯音酒酣之酣師古曰音下甘反

秦二年十月

文穎曰十月秦正月始皇即位周火德以五勝之法勝火者水秦文公獲黑龍此水

德之瑞於是更名河為德水十月為正月謂建亥之月水得位故以為歲首

沛公攻胡陵

鄧展

曰屬山陽章帝元和元年改為胡陸

方與

鄭氏曰音房預屬山陽郡

還守豐秦泗川監

平將兵圍豐

文穎曰泗川今沛郡也高祖更名沛秦時御史監郡若今刺史平其名也師古曰泗

川郡川字或為水其實一也

二日出與戰破之令雍齒守豐十一月

沛公引兵之薛秦泗川守壯兵敗於薛

如淳曰秦并天下為三十六郡

置守尉監此泗川有監有守壯其名也

走至戚

鄭氏曰音憂戚之戚如淳曰音將毒反師古曰東海

之縣也讀如本字

沛公左司馬得殺之

師古曰得者司馬之名○劉攽曰得得而殺之

漢書多以

沛公還軍亢父

鄭氏曰亢音人相抗
荅父音甫屬任城郡

至方與

趙王武臣為其將所殺十二月楚王陳涉為其御莊賈

所殺魏人周市略地豐沛使人謂雍齒曰豐故梁徙也

文穎曰晉大夫畢萬封魏今河東河北縣是也其後為秦所逼徙都今魏郡魏縣是也至文侯孫惠王畏秦復

徙都大梁今浚儀縣大梁亭是也故世或言魏惠王或言梁惠王至孫假為秦所滅轉東徙於豐故曰豐故梁

徙也臣瓚曰史記及世本畢萬居魏昭子徙安邑文侯亦居之汲郡古文云惠王之六年自安邑遷于大梁師

古曰魏不常都於魏郡魏縣瓚說是也其他即如文氏之釋

今魏地已定者數十城

齒今下魏魏以齒為侯守豐

師古曰封為侯因令守豐

不下且屠豐

雍齒雅不欲屬沛公

蘇林曰雅素也

及魏招之卽反為魏守豐

師古曰為音于偽反

沛公攻豐不能取沛公還之

○朱子文曰當去下沛公二字

沛怨雍齒與豐子弟畔之正月張耳等立趙後趙歇為

趙王

蘇氏曰歇音遏絕之遏蘇林曰歇音毒歇師古曰依本字以讀之不當借音○宋祁曰史記徐廣注

云歇音烏轄反

東陽甯君秦嘉立景駒為楚王

文穎曰秦嘉東陽郡人為甯縣

君景駒楚族景氏駒名也晉灼曰東陽縣也臣瓚曰陳勝傳云凌人秦嘉然卽嘉非東陽人嘉初起於郟號大司馬又不為甯縣君東陽甯君自一人秦嘉又一人師古曰東陽甯君及秦嘉二人是也東陽者為其所屬縣名甯君者姓在留
師古曰留縣名
沛公往從之道得張良遂與

俱見景駒請兵以攻豐時章邯從陳別將

如淳曰從陳涉將也涉在

陳其將相別在他許皆稱陳師古曰從謂追討也尚書曰夏師敗績湯遂從之○劉攽曰余謂別將字當屬下

句讀之言章邯身從陳而別將定楚耳

司馬卮將兵北定楚地

如淳曰卮章邯司馬

師古曰卮古夷字

屠相

師古曰相縣名

至碭東陽寧君沛公引兵西與

戰蕭西

師古曰蕭縣之西

不利還收兵聚留二月攻碭三日拔

之

師古曰拔者破城邑而取之言若拔樹木并得其根本也

收碭兵得六千人與故

合九千人三月攻下邑拔之

師古曰下邑縣名

還擊豐不下四

月項梁擊殺景駒秦嘉止薛沛公往見之項梁益沛公

卒五千人五大夫將十人

蘇林曰五大夫第九爵名以五大夫為將凡十人

沛

公還引兵攻豐拔之雍齒奔魏五月項羽拔襄城還項

梁盡名別將

師古曰別將謂小將別在他所者

六月沛公如薛

師古曰如往也

他皆類此

與項梁共立楚懷王孫心為楚懷王

應劭曰六國為秦所并楚

最無罪為百姓所思故求其後立為楚懷王以祖諡為號順民望也

章邯破殺魏王咎齊

王田儋於臨濟

師古曰破其軍而殺其身

七月大霖雨

師古曰雨三日以上為霖

沛公攻亢父章邯圍田榮於東阿沛公與項梁共救田

榮大破章邯東阿田榮歸沛公項羽追北

服虔曰師敗曰北韋昭曰

古背字也背去而走也師古曰北陰幽之處故謂退敗
奔走者為北老子曰萬物向陽而負陰許慎說文解字
云北乖也史記樂書曰紂為朝歌北鄙之音朝歌者不
時北者敗也鄙者陋也是知北即訓乖訓敗無勞借音
韋昭之徒並為妄矣

至城陽攻屠其城軍濮陽東復與章邯戰又

破之章邯復振

李奇曰振整也如淳曰振起也收散卒自振迅而起晉灼曰左氏云振廢滯如

說是也

守濮陽環水

文穎曰決水以自環守為固也張晏曰依河水以自環繞作壘師古曰文

說是也

沛公項羽去攻定陶八月田榮立田儋子市為

齊王定陶未下沛公與項羽西略地至雍丘與秦軍戰

大敗之斬三川守李由

應劭曰三川今河南郡也由李斯子韋昭曰有河洛伊故曰三

也川還攻外黃外黃未下項梁再破秦軍有驕色宋義諫

不聽秦益章邯兵九月章邯夜銜枚擊項梁定陶

師古曰銜

枚者止言語謹囂欲令敵人不知其來也周官有銜枚氏枚狀如箸橫銜之繡絜於項繡者結礙也絜繞也蓋為結紐而繞項也繡音獲絜音頤

大破之殺項梁時連雨自七月至九

月沛公項羽方攻陳留聞梁死士卒恐乃與將軍呂臣

引兵而東徙懷王自盱台都彭城

鄭氏曰音胸怡師古曰胸音許于反

呂

臣軍彭城東項羽軍彭城西沛公軍碭魏咎弟豹自立

為魏王後九月

文穎曰卽閏九月也時律歷廢不知閏謂之後九月如淳曰時因秦以十月為

歲首至九月則歲終後九月即閏月師古曰文說非也若以律歷廢不知閏者則當徑謂之十月不應有後九月蓋秦之歷法應置閏者總致之於歲末觀其此意當取左傳所謂歸餘於終耳何以明之據漢書表及史記漢未改秦歷之前迄至高后文帝屢書後九月是知故然非歷廢也○劉攽曰余謂顏說後九月亦為未盡秦知置歷有閏何故皆以為九月乎蓋司馬氏為史既以秦正月稱十月遂以閏月溥謂之後九月是司馬氏如此敘之非

懷王并呂臣項羽軍自將之以沛公為碭郡

長

蘇林曰長如郡守也韋昭曰秦名曰守是時改曰長

封武安侯將碭郡兵以羽

為魯公封長安侯呂臣為司徒其父呂青為令尹

應劭曰天

子曰師尹諸侯曰令尹時去六國尚近故置令尹臣瓚曰諸侯之卿唯楚稱令尹其餘國稱相時立楚之後故

置官司皆如楚舊也
師古曰瓚說得之

章邯已破項梁以為楚地兵不足

憂乃渡河北擊趙王歇大破之歇保鉅鹿城秦將王離圍之趙數請救懷王乃以宋義為上將項羽為次將范增為末將北救趙初懷王與諸將約先入定關中者王

之

師古曰約要也謂言契也
自函谷關以西總名關中

當是時秦兵彊常乘勝逐

北諸將莫利先入關

師古曰不以入關為利言畏秦也

獨羽怨秦破項

梁奮執

晉灼曰憤激也

願與沛公西入關懷王諸老將皆曰項

羽為人慄悍禍賊

師古曰慄疾也悍勇也禍賊者好為禍害而殘賊也慄音頻妙反又匹妙

反悍音嘗攻襄城襄城無噍類如淳曰噍音祚笑反無復有活而噍食者也青

州俗呼無子所過無不殘滅且楚數進取如淳曰楚謂陳涉數進取

多所攻取也師古曰楚者前陳王項梁皆敗孟康曰前陳王陳涉

也師古曰孟說非也此言前者陳王及項梁皆敗今須得長者往非謂涉為前陳王也安有後陳王乎不

如更遣長者扶義而西師古曰扶助也以義自助也告

諭秦父兄秦父兄苦其主久矣今誠得長者往毋侵暴

宜可下項羽不可遣獨沛公素寬大長者卒不許羽而

遣沛公西收陳王項梁散卒乃道碭孟康曰道由碭至陽城與

杠里

孟康曰二縣名也師古曰杠音江

攻秦軍壁破其二軍

秦三年十月齊將田都畔田榮將兵助項羽救趙沛公

攻破東郡尉於成武

孟康曰尉郡都尉也師古曰本謂之郡尉至景帝時乃改曰都尉

十一月項羽殺宋義并其兵渡河自立為上將軍諸將

黥布等皆屬十二月沛公引兵至栗

韋昭曰栗沛郡縣名也

遇剛

武侯

應劭曰楚懷王將也功臣表棘蒲剛侯陳武武一姓柴剛武侯宜為剛侯武魏將也孟康曰功臣表

柴武以將軍起薛至霸上入漢中非懷王將又非魏將也例未有稱諡者師古曰史失其名姓唯識其爵號不知誰也不當改剛武侯為剛侯武應氏以為懷王將又云魏將無所據矣奪其軍四千餘人

并之與魏將皇欣武滿軍合攻秦軍破之故齊王建孫

田安

師古曰建齊襄王子也立四十四年為秦兵所擊以兵降秦秦虜之遷建於河內遂滅齊

下濟

北從項羽救趙羽大破秦軍鉅鹿下虜王離走章邯

師古

曰章邯被破而走

二月沛公從碭北攻昌邑遇彭越越助攻昌

邑未下沛公西過高陽

文穎曰聚邑名屬陳留圉臣瓚曰陳留傳在雍丘西南

酈

食其為里監門

服虔曰音歷異基蘇林曰監門門卒也

曰諸將過此者多

吾視沛公大度乃求見沛公沛公方踞床使兩女子洗

師古曰踞反企也洗洗足也踞音據洗音先典反○朱子文曰吾視沛公大度乃求見沛公方踞床使兩女子

洗乃求見下亦多沛公二字

酈生不拜長揖曰

師古曰長揖者手自上而極下

足下

必欲誅無道秦不宜踞見長者於是沛公起攝衣謝之

延上坐食其說沛公襲陳留

臣瓚曰輕行無鐘鼓曰襲

沛公以為廣

野君以其弟商為將將陳留兵三月攻開封未拔

師古曰開

封縣名屬滎陽

西與秦將楊熊會戰白馬

師古曰白馬亦縣名屬東郡

又戰

曲遇東

文穎曰地名也蘇林曰曲音齣遇音顯師古曰齣音丘羽反

大破之楊熊走

之滎陽

師古曰西走也

二世使使斬之以徇

師古曰徇行示也司馬法曰斬以徇

言使人將行徧示衆士以為戒

四月南攻潁川屠之因張良遂略韓地

文頴曰河南新鄭南至潁川南北皆韓地也以良累世相韓故因之時趙別將司馬印
師古

曰印音方欲渡河入關沛公乃北攻平陰孟康曰縣名也屬河南魏

文帝改曰河陰文絕河津南戰雒陽東軍不利從轅轅臣瓚曰險道名也在

緱氏東南師古曰直渡曰絕轅音環至陽城收軍中馬騎六月與南陽守

齧戰犍東師古曰犍縣名也齧音蟻犍音昌由反大破之略南陽郡南陽

守走保城守宛師古曰宛南陽之縣也音於元反沛公引兵過宛西師古

曰未拔宛城而兵過宛城西出宋祁曰一作過而西陽夏公謂唯作而故師古詳釋之張良諫曰

沛公雖欲急入關秦兵尚衆距險師古曰依險阻而自固以距敵今不

下宛宛從後擊彊秦在前此危道也於是沛公乃夜引

軍從他道還偃旗幟遲明圍宛城三市

服虔曰欲天疾明也文穎曰遲

未也天未明之頃已圍其城矣晉灼曰文說是也師古曰文晉二家得其大意耳此言圍城事畢然後天明遲於事故曰遲明變為去聲音丈二反漢書諸言遲某事者義皆類此史記遲字作遼亦徐緩之意也音黎

南陽守欲自剄

鄭氏曰剄音姑鼎反以刀割頸為剄

其舍人陳恢曰

文穎曰主

廐內小吏官名也蘇林曰藺相如為宦者令舍人韓信為侯亦有舍人師古曰舍人親近左右之通稱也後遂以為私屬官號

死未晚也乃踰城見沛公曰臣聞足下

約先入咸陽者王之今足下留守宛宛郡縣連城數十

其吏民自以為降必死故皆堅守乘城

師古曰乘登也謂上城而守也

春秋左氏傳曰授兵登陴

今足下盡日止攻士死傷者必多引兵去

宛宛必隨足下

○劉攽曰接文少足下二字

足下前則失咸陽之約

後有彊宛之患為足下計莫若約降

師古曰共為要約許其降也

封

其守因使止守

師古曰封其郡守為侯即令守其郡

引其甲卒與之西諸

城未下者聞聲爭開門而待足下足下通行無所累

師古

曰累音力瑞反○朱子文曰陳恢說沛公之辭不過百餘字凡稱足下者八其七皆不可去惟今足下留守宛可以削之宜曰臣聞足下約先入沛公曰善七月南陽咸陽者王今留守宛方簡而勢順

守齟降封為殷侯封陳恢千戶引兵西無不下者至丹

水高武侯鯁襄侯王陵降

蘇林曰鯁音魚鯁之鯁晉灼曰功臣表戚鯁也王陵安國

侯王陵也韋昭曰漢封王陵為安國侯初起兵時在南陽南陽有穰縣疑襄當為穰而無禾字省耳臣瓚曰時韓成封穰侯江夏有襄是陵所封也師古曰戚鯁初從卽為卽以都尉守蘄城非至丹水乃降也此自一人耳不知其姓王陵亦非安國侯者晉說非也韋氏改襄為穰者蓋亦穿鑿也

還攻胡陽遇番君

別將梅鋗

蘇林曰番音婆豫章番陽縣韋昭曰吳芮初為番令故號曰番君鋗音呼玄反

與偕

攻析酈

蘇林曰酈音躄躄之躄如淳曰音持益反師古曰析酈二縣名蘇如兩音並同耳析縣今內鄉

酈卽菊潭縣也○劉攽曰析酈之酈師古於高紀則從蘇音躄如音持益反于吳芮傳則音卽益反于樊噲傳

則音直益反皆不同何也及皆降所過毋得鹵掠應劭曰鹵

與虜同師古曰毋止之辭也音與無同他皆類此掠音力勺反謂略奪也○宋祁曰掠舊作力勺反刊誤案經

典釋文改秦民喜遣魏人甯昌使秦是月章邯舉軍降

項羽羽以為雍王瑕丘申陽下河南服虔曰瑕丘縣名申姓陽名也文穎

曰姓瑕丘字申陽臣瓚曰項羽傳瑕丘公申陽是瑕丘縣公也師古曰文說非也此申陽即項羽所封河南王

者耳何云姓瑕丘乎○宋祁曰瑕丘申陽觀羽封諸王處例不稱其鄉里似文穎說勝八月沛公

攻武關應劭曰武關秦南關通南陽文穎曰武關在析西百七十里入秦秦相趙高

恐乃殺二世使人來欲約分王關中師古曰自與沛公中分關中之地

沛公不許九月趙高立二世兄子子嬰為秦王子嬰誅

滅趙高遣將將兵距嶢關

應劭曰嶢音堯嶢山之關李奇曰在上洛北藍田南武關

之沛公欲擊之張良曰秦兵尚彊未可輕願先遣人益

張旗幟於山上為疑兵

師古曰益多也多張旗幟過其人數令敵疑有多兵使酈

食其陸賈往說秦將啗以利

師古曰啗者本謂食啗耳音徒敢反以食餒人令其

啗食音則改變為徒濫反今言以利誘之取食為譬他皆類此

秦將果欲連和沛公欲

許之張良曰此獨其將欲叛恐其士卒不從不如因其

怠懈擊之沛公引兵繞嶢關踰蕢山

鄭氏曰蕢音匱蘇林曰蕢音蒯師古

曰蘇音是也丘怪反

擊秦軍大破之藍田南遂至藍田又戰其北

秦兵大敗

元年冬十月

如淳曰張蒼傳云以高祖十月至霸上故因秦以十月為歲首

五星聚于

東井

應劭曰東井秦之分野五星所在其下當有聖人以義取天下占見天文志○劉攽曰按五星之行

水常不能遠日此十月若用夏正則日已在大火矣水安得與四星俱在東井蓋五星本以秦十月聚東井高帝廼以夏十月入秦也時人欲見漢德應天命故合而言之史承人言不改爾檢史記是年甲午歲在鶉首七月日在鶉火則水

沛公至霸上

應劭曰霸上地名在長安東三十里古曰茲水

秦穆公更名霸師古曰霸水上故曰霸上即今所謂霸頭

秦王子嬰素車白馬繫頸

以組

應劭曰子嬰不敢襲帝號但稱王耳素車白馬喪人之服組者天子韍也繫頸者言欲自殺也師古

曰此組謂綬也所帶璽也韍音弗

封皇帝璽符節

應劭曰璽信也古者尊卑共之左傳襄公

在楚季武子使公冶問璽書追而與之秦漢尊者以為信羣下乃避之師古曰符謂諸所合符以為契者也節

以毛為之上下相重取象竹節降枳道旁

蘇林曰亭名因以為名將命者持之以為信

十三里師古曰枳音軹道亭在霸成觀西四里

諸將或言誅秦王沛公曰始

懷王遣我固以能寬容且人已服降殺之不祥乃以屬

吏

師古曰屬委也音之欲反

遂西入咸陽欲止宮休舍

師古曰舍息也於殿中休

息也一曰舍謂屋舍也

樊噲張良諫乃封秦重寶財物府庫還軍

霸上蕭何盡收秦丞相府圖籍文書十一月召諸縣豪

桀曰父老苦秦苛法久矣

師古曰苛細也音何

誹謗者族耦語者

棄市

應劭曰秦法禁民聚語耦對也師古曰族謂誅及其族也棄市者取刑人於市與衆棄之

吾與

諸侯約先入關者王之吾當王關中與父老約法三章

耳殺人者死傷人及盜抵罪

服虔曰隨輕重制法也李奇曰傷人有曲直盜賊有

多少罪名不可豫定故凡言抵罪未知抵何罪也師古曰抵至也當也服李二說意並得之自外諸家皆妄解

釋故不取也抵音丁禮反

餘悉除去秦法吏民皆按堵如故

應劭曰按按次

第堵墻堵也師古曰言不遷動也堵音觀

凡吾所以來為父兄除害非有所

侵暴毋恐且吾所以軍霸上待諸侯至而定要東耳

古師

曰要亦約

乃使人與秦吏行至縣鄉邑告諭之

師古曰軍中遣人與秦吏

相隨徧至諸縣鄉邑而告諭也

秦民大喜爭持牛羊酒食獻享軍士沛

公讓不受曰倉粟多不欲費民民又益喜唯恐沛公不

為秦王或說沛公曰秦富十倍天下地形彊今聞章邯

降項羽羽號曰雍王王關中即來沛公恐不得有此可

急使守函谷關

文穎曰是時關在弘農縣衙嶺今移東在河南穀城縣師古曰今桃林縣南有

洪溜澗水即古所謂函谷也其水北流入河夾河之岸尚有舊關餘跡馬穀城即新安○宋祁曰南本使字下

有兵
字 毋內諸侯軍稍徵關中兵以自益距之沛公然其

計從之十二月項羽果帥諸侯兵欲西入關關門閉聞

沛公已定關中羽大怒使黥布等攻破函谷關遂至戲

下
○宋祁曰南本無下字陽夏公云按前言陳涉之將周章西入關至戲此不合有下字政以下文諸侯罷

戲下故于此誤衍此戲水名下文注戲旌麾也沛公左司馬曹毋傷聞羽怒欲

攻沛公使人言羽曰沛公欲王關中令子嬰相珍寶盡

有之欲以求封亞父范增說羽曰
如淳曰亞次也尊敬之次父猶管仲為仲

父○劉攽曰管仲自字仲父耳亞父亦甫音也言敬之次父是妄說沛公居山東時貪財

好色今聞其入關珍物無所取婦女無所幸此其志不

小

○宋祁曰南本
作此其志大

吾使人望其氣皆為龍成五色此天

子氣急擊之勿失於是饗士旦日合戰

師古曰饗謂飲
食也旦日明旦

也 是時羽兵四十萬號百萬沛公兵十萬號二十萬

師古

曰兵家之法不
言實數皆增之

力不敵會羽季父左尹項伯素善張良

師古曰伯者
其字也名經

夜馳見張良具告其實欲與俱去毋特俱

死

文穎曰特獨也無為獨與沛公俱死蘇林曰特但也
師古曰蘇說是也但空也空死而無成名○朱子文

曰夜馳見張良句中宜去一張字
考項羽傳中語意同亦無張字

良曰臣為韓王送沛

公不可不告亡去不義乃與項伯俱見沛公沛公與伯

約為婚姻曰吾入關秋豪無所敢取

文穎曰豪秋乃成好舉盛而言也師

古曰豪成之時端極纖細適足諭小非言其盛

籍吏民封府庫待將軍

師古曰籍謂為

簿籍所以守關者備他盜也日夜望將軍到豈敢反邪願

伯明言不敢背德項伯許諾即夜復去戒沛公曰旦日

不可不早自來謝項伯還具以沛公言告羽因曰沛公

不先破關中兵公巨能入乎

服虔曰巨音渠猶未應得入也師古曰服說非也巨

讀曰詎詎猶豈也

且人有大功擊之不祥不如因善之羽許諾

沛公旦日從百餘騎見羽鴻門

孟康曰在新豐東十七里舊大道北下坂口名

謝曰臣與將軍戮力攻秦

師古曰戮力并力也音力竹反又力周反

將軍戰

河北臣戰河南不自意先入關能破秦與將軍復相見

師古曰意不自謂得然

今者有小人言令將軍與臣有隙

師古曰隙謂間

隙言乖離不合

羽曰此沛公左司馬曹毋傷言之不然籍何以

至此羽因留沛公飲范增數目羽擊沛公

師古曰動目以諭之羽

不應范增起出謂項莊曰君王為人不忍

師古曰莊項羽從弟汝

入以劍舞因擊沛公殺之不者汝屬且為所虜莊入為

壽

師古曰凡言為壽謂進爵於尊者而獻無疆之壽

壽畢曰軍中無以為樂請

以劔舞因拔劔舞項伯亦起舞常以身翼蔽沛公樊噲

聞事急直入怒甚羽壯之賜以酒噲因譙讓羽

師古曰譙讓以

辭相責也譙音才笑反

有頃沛公起如廁招樊噲出置車官屬

師古

曰置留也

不以自隨獨騎與樊噲靳彊滕公紀成步從間道走軍

晉灼曰紀成紀通父也服虔曰走音奏師古曰閒空也投空隙而行不公顯也走謂趣向也服音是矣凡此之

類音義皆同

使張良留謝羽羽問沛公安在

師古曰安在何在也他皆類此

曰聞將軍有意督過之

師古曰督謂視責也

脫身去閒至軍

師古曰脫

免也不敢謁辭苟自免而去
聞行以至軍也脫音他活反
故使臣獻璧羽受之又獻

王斗范增增怒撞其斗起曰吾屬今為沛公虜矣師古曰撞

音丈江反沛公歸數日羽引兵西屠咸陽殺秦降王子嬰燒

秦宮室所過無不殘滅秦民大失望羽使人還報懷王

懷王曰如約師古曰謂令沛公王關中羽怨懷王不肯令與沛公俱

西入關而北救趙後天下約乃曰懷王者吾家所立耳

非有功伐何以得專主約師古曰積功曰伐春秋左氏傳曰大夫稱伐本定

天下諸將與籍也春正月如淳曰以十月為歲首而正月更為三時之月服虔曰漢

正月也師古曰凡此諸月號皆太初正歷之後記事者
追改之非當時本稱也以十月為歲首即謂十月為正
月今此真正月當時謂陽尊懷王為義帝實不用其命
之四月耳他皆類此

羽自立為西楚霸王

文穎曰史記貨殖傳曰淮以北沛陳汝南郡為西楚彭城以東東

海吳廣陵為東楚衡山九江江南豫章長沙為南楚羽
欲都彭城故自稱西楚孟康曰舊名江陵為南楚吳為
東楚彭城為西楚師古曰孟說是也王梁楚地九郡都彭城背約更立沛

公為漢王王巴蜀漢中四十一縣都南鄭

師古曰即今之梁州南鄭

縣三分關中立秦三將章邯為雍王都廢丘

孟康曰縣名今槐里

是韋昭曰即周時犬丘懿王
所都秦欲廢之更名廢丘

司馬欣為塞王

韋昭曰在長安東名

桃林塞師古曰取河華之固為都櫟陽蘇林曰櫟音藥

院塞耳非桃林也塞音先代反

櫟陽縣董翳為翟王文穎曰本上郡秦所置項羽以董翳為王更名為翟

師古曰今在鄜州界

楚將瑕丘申陽為河南王都洛陽趙將司馬

印為殷王都朝歌師古曰即今之朝歌縣也當陽君英布為九江王

都六師古曰六者縣名本古國臯陶之後懷王柱國共敖為臨江王應劭曰柱

國上卿官也若相國矣共敖其姓名也孟康曰本南郡改為臨江國師古曰共音龔

今之荊州江陵縣番君吳芮為衡山王都邾文穎曰邾音朱縣名屬江夏故

齊王建孫田安為濟北王徙魏王豹為西魏王都平陽

徒燕王韓廣為遼東王燕將臧荼為燕王

鄭氏曰荼音荼毒之荼如

淳曰音舒師古曰鄭音是也音大胡反

都薊

師古曰薊卽幽州薊縣

徙齊王田市為

膠東王齊將田都為齊王都臨菑

師古曰今在青州

徙趙王歇

為代王趙相張耳為常山王漢王怨羽之背約欲攻之

丞相蕭何諫乃止

服虔曰稱丞相者錄事追言之

夏四月諸侯罷戲下

各就國

師古曰戲謂軍之旌麾也音許宜反亦讀曰麾先是諸侯從項羽入關者各帥其軍聽命於羽

今既受封爵各使就國故總言罷戲下也一說云時從項羽在戲水之上故言罷戲下此說非也項羽見高祖於鴻門已過戲矣又入秦燒秦宮室不復在戲也漢書通以戲為麾字義見竇田灌韓傳

羽使卒三

萬人從漢王楚子諸侯人之慕從者數萬人文穎曰楚子猶言楚

人也諸侯人猶諸侯國人從杜南入蝕中李奇曰蝕音力在杜南如淳曰蝕入漢中道川谷名

張良辭歸韓漢王送至褒中師古曰卽今梁州之褒縣也舊曰褒中言居褒谷之

中隋室諱忠改為褒內因說漢王燒絕棧道師古曰棧卽閣也今謂之閣道以備

諸侯盜兵亦視項羽無東意如淳曰視音示師古曰言令羽知漢王更無東出之

意也漢書多以視為示古通用字漢王既至南鄭諸將及士卒皆歌謳

思東歸師古曰謳齊歌也謂齊聲而歌或曰齊地之歌謳音一侯反多道亡還者師古

曰未至南鄭韓信為治粟都尉亦亡去蕭何追還之因在道卽亡歸

薦於漢王曰必欲爭天下非信無可與計事者於是漢

王齊戒設壇場師古曰齊讀曰齊築土而高曰壇除地為場拜信為大將軍

問以計策信對曰項羽背約而王君王於南鄭師古曰上王音

于放反○劉敬曰予謂王作如字何害是遷也如淳曰秦法有罪遷徙之於蜀漢吏卒皆

山東之人日夜企而望歸師古曰企謂舉足而竦身及其鋒而用之

可以有大功天下已定民皆自寧不可復用師古曰寧安也各安

其處不如決策東向因陳羽可圖師古曰圖謂謀而取之三秦易并

之計應劭曰章邯為雍王司馬欣為塞王董翳為翟王分王秦地故曰三秦漢王大說師古

日說讀
日悅

遂聽信策部署諸將

師古曰分部而署置

留蕭何收巴蜀

租給軍糧食五月漢王引兵從故道

孟康曰縣名屬武都

出襲雍

雍王卬迎擊漢陳倉雍兵敗還走戰好時

孟康曰時音止神靈之所

止也好時縣名屬右扶風師古曰卽今雍州好時縣○宋祁曰雍兵敗舊本作雍州兵敗

又大敗走

廢丘漢王遂定雍地東如咸陽引兵圍雍王廢丘而遣

諸將略地田榮聞羽徙齊王市於膠東而立田都為齊

王大怒以齊兵迎擊田都都走降楚六月田榮殺田市

自立為齊王時彭越在鉅野

師古曰鉅野澤名因為縣今屬鄆州

衆萬

餘人無所屬榮與越將軍印因令反梁地越擊殺濟北

王安榮遂并三齊之地

服虔曰齊與濟北膠東

燕王韓廣亦不肯

徙遼東秋八月臧荼殺韓廣并其地塞王欣翟王翳皆

降漢初項梁立韓後公子成為韓王張良為韓司徒羽

以良從漢王韓王成又無功故不遣就國與俱至彭城

殺之及聞漢王并關中而齊梁畔之羽大怒乃以故吳

令鄭昌為韓王距漢令蕭公角擊彭越

蘇林曰蕭公官號也孟康曰蕭

令也時令皆稱公師古曰孟說是也

越敗角兵時張良徇韓地

蘇林曰徇音巡撫其

民人也。孟康曰：徇略也。師遺羽書曰：漢欲得關中如約。

古曰：孟說是也。音辭峻反。卽止不敢復東羽，以故無西意而北擊齊。九月，漢王遣

將軍薛歐、王吸出武關。

師古曰：歐音烏，垢反，吸音翁。

因王陵兵

如淳曰：王

陵亦聚黨數千人，居南陽。從南陽迎太公、呂后於沛。羽聞之，發兵距

之陽夏。

鄭氏曰：音假借之假師。古曰：卽今亳州陽夏縣。

不得前。

二年冬十月，項羽使九江王布殺義帝於郴。

文穎曰：郴縣名，屬桂

陽如淳曰：郴音緄，師古曰：說者或以為史記本紀及漢注云：衡山臨江，王殺之，江中謂漢書言黥布殺之為錯。然今據史記黥布傳，四月陰令九江王等行擊義帝，其八月布使將追殺之，郴又與漢書項羽、英布傳相合，是

則衡山臨江與布同受羽命而殺之者布也非班氏之錯柳緜二字並音丑林反

陳餘亦怨羽

獨不王已從田榮藉助兵

師古曰藉借也

以擊常山王張耳耳

敗走降漢漢王厚遇之陳餘迎代王歇還趙歇立餘為

代王張良自韓間行歸漢漢王以為成信侯漢王如陝

師古曰陝今陝州陝縣也音式冉反

鎮撫關外父老

師古曰鎮安也撫慰也

河南王

申陽降置河南郡使韓太尉韓信擊韓韓王鄭昌降十

一月立韓太尉信為韓王漢王還歸都櫟陽使諸將略

地拔隴西以萬人若一郡降者封萬戶

師古曰若者豫及之辭言以萬

人或以一郡降者皆封萬戶

繕治河上塞

晉灼曰壘錯傳秦北攻胡築河上塞師古曰繕補也

○宋祁曰史義云塞先代反北河靈夏州地也秦時繕治

故秦苑囿園池令民得田

之

師古曰養鳥獸曰苑苑有垣曰園所以種植謂之園田謂耕作也園音宥

春正月羽擊田

榮城陽榮敗走平原平原民殺之齊皆降楚楚焚其城

郭齊人復畔之諸將拔北地虜雍王弟章平赦罪人二

月癸未令民除秦社稷立漢社稷施恩德賜民爵

臣瓚曰爵

者祿位民賜爵有罪得以減也

蜀漢民給軍事勞苦復勿租稅二歲

古師

曰復者除其賦役也音方目反其下並同

關中卒從軍者復家一歲舉民年

五十以上有脩行能帥衆為善置以為三老鄉一人擇

鄉三老一人為縣三老與縣令丞尉以事相教復勿繇

戍

師古曰繇讀曰徭。○宋祁曰百官表云十里一亭以亭有長十亭一鄉鄉有三老三老掌教化秦制也。

十月賜酒肉三月漢王自臨晉渡河

師古曰舊縣名其地居河之西濱東

臨晉境本列國時秦所名也。即今之同州朝邑縣界也。

魏王豹降將兵從下河內

虜殷王卬置河內郡至脩武陳平亡楚來降漢王與語

說之

師古曰說讀曰悅。

使參乘監諸將南渡平陰津

蘇林曰在河陰至

洛陽新城三老董公遮說漢王曰臣聞順德者昌逆德

者亡兵出無名事故不成

蘇林曰名者伐有罪

故曰明其為賊敵

乃可服

應劭曰為音無為之為布告天下言項羽殺義帝明其為賊亂舉兵征之乃可服也鄭氏曰為

音人相為之為師古曰應說是也

項羽為無道放殺其主

師古曰殺讀曰弑諸弑君

者其例皆同

天下之賊也夫仁不以勇義不以力

李奇曰彼有仁我不

能以勇服彼有義我不能以力服文穎曰以用也已有仁天下歸之可不用勇而天下自服已有義天下奉之可不用力而天下自定師古曰為義帝發喪此為行仁義不用勇力文說是也

三軍之衆為之

素服以告之諸侯為此東伐

師古曰為並音于偽反○劉攽曰以告之之字衍

四海之內莫不仰德此三王之舉也

師古曰三王夏殷周也言以德義取

天下則可比
蹤於三王

漢王曰善非夫子無所聞於是漢王為義

帝發喪袒而大哭

如淳曰袒亦如禮袒踊也師古曰袒謂脫衣之袖也音徒旱反

哀臨

三日

師古曰衆哭曰臨音力禁反

發使告諸侯曰天下共立義帝北

面事之今項羽放殺義帝江南大逆無道寡人親為發

喪兵皆縞素

師古曰縞白素也音工老反

悉發關中兵收三河士

韋昭

曰河南河東河內也

南浮江漢以下願從諸侯王

服虔曰漢名王為諸侯王師古

曰服說非也當時漢未有此稱號直言諸侯及王耳自謙言隨諸侯王之後也

擊楚之殺義帝

者夏四月田榮弟橫收得數萬人立榮子廣為齊王羽

雖聞漢東既擊齊欲遂破之而後擊漢漢王以故得劫

五諸侯兵

應劭曰雍翟塞殷韓也如淳曰塞翟魏殷河南也韋昭曰塞翟韓殷魏也雍時已敗師古

曰諸家之說皆非也張良遺羽書云漢欲得關中如約即止不敢復東東謂出關之東今羽聞漢東之時漢固已得三秦矣五諸侯者謂常山河南韓魏殷也此年十月常山王張耳降河南王申陽降韓王鄭昌降三月魏王豹降虜殷王卬皆在漢東之後故知謂此為五諸侯時雖未得常山之地據功臣表云張耳棄國與大臣歸漢則亦有士卒也又叔孫通傳云二年漢王從五諸侯入彭城爾時雍王猶在廢丘被圍即非五諸侯之數也尋此紀文昭然可曉前賢注釋並失指趣○劉攽曰張耳奉頭鼠竄安得有兵五諸侯者陳餘其一也事見餘

傳東伐楚到外黃彭越將三萬人歸漢漢王拜越為魏

相國令定梁地漢王遂入彭城收羽美人貨賂置酒高

會

服虔曰大會也

羽聞之令其將擊齊而自以精兵三萬人從

魯出胡陵至蕭晨擊漢軍大戰彭城靈壁東

孟康曰故小縣在彭

城睢水上

師古曰睢音雖

大破漢軍多殺士卒睢水為之不流

師古曰殺人既多填於睢水

圍漢王三市大風從西北起折木發屋

揚沙石晝晦

師古曰晦暗也

楚軍大亂而漢王得與數十騎遁

去過沛使人求室家家亦已亡不相得漢王道逢孝

惠魯元載行楚騎追漢王漢王急推墮二子滕公下收

載遂得脫

鄭氏曰滕公夏侯嬰也師古曰脫音他活反○朱子文曰於文多室家二字當曰過沛使

人求室家亦已亡於不相得句下多漢王二字況下文云漢王急推墮二子足可證前道逢孝惠魯元載行為

漢王

也 審食其從太公呂后間行反遇楚軍

師古曰此審食其及武帝

時趙食其讀皆與酈食其同音異基而近代學者酈則為異基審則為食基趙則食其非也同是人名更無別義就中舛駁何所據依且荀悅漢紀三者並為異基字斷可知矣太公呂后本避楚軍乃反與之遇而見拘執

羽常置軍中以為質諸侯見漢敗皆亡去塞王欣翟王

翳降楚殷王卬死呂后兄周呂侯

蘇林曰以姓名侯也晉灼曰外戚表周呂

令武侯澤也呂縣名封於呂以為國師古曰周呂封名令武其諡也蘇云以姓名侯非也將兵居下

邑

師古曰縣名也

漢王往從之稍收士卒軍碭漢王西過梁地

至虞

師古曰卽今宋州虞城縣

謂謁者隨何曰公能說九江王布使

舉兵畔楚項王必留擊之得留數月吾取天下必矣隨

何往說布果使畔楚

○朱子文曰此數語中有兩使字皆不必用用之覺文理不順況旣

已曰說九江王說則使在其中矣前當曰公能說九江王布舉兵畔楚後當曰隨何往說布果畔楚文義俱顯

耳 五月漢王屯滎陽蕭何發關中老弱未傅者悉詣軍

服虔曰傅音附孟康曰古者二十而傅三年耕有一年儲故二十三而後役之如淳曰律年二十三傅之疇官各從其父疇學之高不滿六尺二寸以下為罷癯漢儀注云民年二十三為正一歲為衛士一歲為材官騎士

習射御騎馳戰陳又曰年五十六衰老乃得免為庶民就田里今老弱未嘗傅者皆發之未二十三為弱過五十六為老師古曰傳著也言著名籍給公家徭役也服音是

韓信亦收兵與漢王會

兵復大振與楚戰滎陽南京索間破之

應劭曰京縣名今有大索小索

亭晉灼曰音冊師古曰音求索之索

築甬道屬河

應劭曰恐敵鈔輜重故築垣牆如街巷也鄭氏

曰甬音踊師古曰屬聯也音之欲反

以取敖倉粟

孟康曰敖地名在滎陽西北山上臨河有大倉

魏王豹謁歸視親疾

師古曰謁請也親謂母也

至則絕河津反為楚

師古曰斷其津濟以距漢軍為音于偽反

六月漢王還櫟陽壬午立太子敖

罪人令諸侯子在關中者皆集櫟陽為衛

○劉攽曰諸侯子謂諸侯

國人若上言楚子矣引水灌廢丘廢丘降章邯自殺雍州定八十

餘縣置河上渭南中地隴西上郡服虔曰河上卽左馮翊也渭南京兆也中

地在扶風也師古曰凡新置五郡○宋令祠官祀天地

四方上帝山川以時祠之興關中卒乘邊塞李奇曰乘守也師古

曰乘登也登而守之義與上乘城同關中大饑米斛萬錢師古曰一斛直萬錢人相

食令民就食蜀漢秋八月漢王如滎陽謂酈食其曰緩

頰往說魏王豹張晏曰緩頰徐言引譬喻也能下之以魏地萬戶封

生師古曰生猶言先生他皆類此食其往豹不聽漢王以韓信為左丞

相與曹參灌嬰俱擊魏食其還漢王問魏大將誰也對

曰柏直王曰是口尚乳臭不能當韓信

師古曰乳臭言其幼少

騎

將誰也曰馮敬曰是秦將馮無擇子也雖賢不能當灌

嬰步卒將誰也曰項它

師古曰它字與他同並音徒河反

曰是不能當

曹參吾無患矣九月信等虜豹傳詣滎陽定魏地置河

東太原上黨郡信使人請兵三萬人願以北舉燕趙東

擊齊南絕楚糧道漢王與之

三年冬十月韓信張耳東下井陘擊趙

服虔曰井陘山名在常山今為

縣師古曰
陘音形

斬陳餘獲趙王歇置常山代郡甲戌晦日有

食之十一月癸卯晦日有食之隨何既說黥布布起兵

攻楚楚使項聲龍且攻布

韋昭曰且
音子閭反

布戰不勝十二月

布與隨何間行歸漢漢王分之兵與俱收兵至成臯項

羽數侵奪漢甬道漢軍乏食與酈食其謀撓楚權

服虔曰撓

弱也師古曰音女
教反其字從木

食其欲立六國後以樹黨

師古曰樹立也漢

王刻印將遣食其立之以問張良良發八難漢王輟飯

吐哺

師古曰輟止也哺口中所含
食也飯音扶晚反哺音步

曰豎儒

師古曰言其
賤劣無智若

童豎也

幾敗乃公事

師古曰幾近也乃汝也公漢王自謂也幾音鉅依反

令趨銷印

師古曰趨讀曰促促速也他皆類此

又問陳平乃從其計與平黃金四萬

斤以間疏楚君臣

師古曰間音居覓反次下反間其音亦同

夏四月項羽圍

漢滎陽漢王請和割滎陽以西者為漢亞父勸項羽急

攻滎陽漢王患之陳平反間既行羽果疑亞父亞父大

怒而去發病死五月將軍紀信曰事急矣臣請誑楚可

以間出

師古曰間出投間隙私出若言間行微行耳紀信詐為漢王而王出西門遁是私出也

於

是陳平夜出女子東門二千餘人楚因四面擊之紀信

乃乘王車黃屋左纛

李斐曰天子車以黃繒為蓋裏纛毛羽幢也在乘輿車衡左方上注

之蔡邕曰以犛牛尾為之如斗或在駢頭或在衡應劭曰雉尾為之在左駢當鑣上師古曰纛音毒又徒到反

應說非也

曰食盡漢王降楚楚皆呼萬歲之城東觀以故漢

王得與數十騎出西門遁令御史大夫周苛魏豹縱公

守滎陽

應劭曰縱公者不知其名故曰公蘇林曰音縱木之縱師古曰音干容反

羽見紀信

問漢王安在曰已出去矣羽燒殺信而周苛縱公相謂

曰反國之王難與守城

師古曰謂豹先已經畔漢

因殺魏豹漢王出

滎陽至成臯自成臯入關收兵欲復東轅生說漢王

文穎

曰轅姓生
謂諸生

曰漢與楚相距滎陽數歲漢常困願君王出

武關項王必引兵南走

師古曰走亦謂趨嚮也音奏次後亦同

王深壁令

滎陽成臯間且得休息使韓信等得輯河北趙地

師古曰輯

與集同謂和合也詩序曰勞來還定安集之春秋左氏傳曰羣臣輯睦他皆類此

連燕齊君王

乃復走滎陽如此則楚所備者多力分漢得休息復與

之戰破之必矣漢王從其計出軍宛葉間

師古曰葉縣名古葉公之

國音式涉反宛縣葉縣之間也

與黥布行收兵羽聞漢王在宛果引兵

南漢王堅壁不與戰是月彭越渡睢

師古曰過睢水也睢音雖

與項

聲薛公戰下邳破殺薛公羽使終公守成臯而自東擊

彭越漢王引兵北擊破終公復軍成臯六月羽已破走

彭越

師古曰破之而令遁走

聞漢復軍成臯乃引兵西拔滎陽城

生得周苛羽謂苛為我將以公為上將軍封三萬戶周

苛罵曰若不趨降漢今為虜矣

師古曰若汝也趨讀曰促

若非漢王

敵也羽亨周苛

師古曰亨謂煮而殺之音普庚反他皆類此

并殺樞公而虜

韓王信遂圍成臯漢王跳

如淳曰跳音逃謂走也史記作逃晉灼曰跳獨出意也師

古曰晉說是也音徒彫反○朱子文曰傳注之學無事求奇辭達而已漢王跳當從如淳之音史記之說其義

甚明唯漢王逃故下文云獨與滕公共車出
成臯玉門何乃迂解為獨出意徒見費力耳獨與滕公

共車出成臯玉門

張晏曰成臯北門

北渡河宿小脩武

晉灼曰在大脩

武城東

自稱使者晨馳入張耳韓信壁而奪之軍乃使張

耳北收兵趙地秋七月有星孛于大角

李奇曰孛彗類也是謂妖星所

以除舊布新也師古曰孛音布內反

漢王得韓信軍復大振八月臨河南

鄉

師古曰鄉讀曰嚮

軍小脩武欲復戰郎中鄭忠說止漢王高

壘深塹勿戰漢王聽其計使盧綰劉賈將卒二萬人騎

數百

蘇林曰綰音以繩綰結物之綰師古曰音烏板反

渡白馬津入楚地佐彭

越燒楚積聚

師古曰所蓄軍糧芻橐之屬也積音子賜反聚音才喻反

復擊破楚軍

燕郭西

師古曰燕縣名古南燕國○宋祁曰越本無破字

攻下睢陽外黃十七

城九月羽謂海春侯大司馬曹咎曰謹守成臯卽漢王

欲挑戰慎勿與戰

李奇曰挑音徒了反臣瓚曰挑戰媯敵求戰也古謂之致師師古曰李

音瓚說是媯音他歷反媯音乃了反

勿令得東而已我十五日必定梁地

復從將軍

師古曰從就也

羽引兵東擊彭越漢王使酈食其說

齊王田廣罷守兵與漢和

四年冬十月韓信用蒯通計襲破齊齊王亨酈生東走

高密項羽聞韓信破齊且欲擊楚使龍且救齊漢果數

挑成臯戰楚軍不出使人辱之數日大司馬咎怒渡兵

汜水

張晏曰汜水在濟陰界如淳曰汜音祀左傳曰鄙在鄭地汜臣瓚曰高祖攻曹咎於成臯咎渡汜水

而戰今成臯城東汜水是也師古曰瓚說得之此水不在濟陰也鄙在鄭地汜釋者又云在襄城則非此也此水舊讀音凡今彼鄉人呼之音祀

士卒半渡漢擊之大破楚軍盡得楚

國金玉貨賂大司馬咎長史欣皆自剄汜水上漢王引

兵渡河復取成臯軍廣武

孟康曰於滎陽築兩城而相對名為廣武城在教倉西三

室山就教倉食羽下梁地十餘城聞海春侯破乃引兵

還漢軍方圍鍾離昧於滎陽東

師古曰昧音莫葛反其字從本末之末

聞

羽至盡走險阻

師古曰走音奏

羽亦軍廣武與漢相守丁壯苦

軍旅老弱罷轉餉

師古曰罷讀曰疲轉運餉饋也音式向反

漢王羽相與臨

廣武之間而語羽欲與漢王獨身挑戰漢王數羽曰

師古

曰數責其罪也音所具反

吾始與羽俱受命懷王曰先定關中者王

之羽負約王我於蜀漢罪一也羽矯殺卿子冠軍自尊

罪二也

如淳曰卿者卿大夫之號子者子男之爵冠軍人之首也文穎曰卿子時人相褒尊之辭猶言

公子也時上將故言冠軍師古曰矯託也託懷王命而殺之也卿子冠軍文說是也

羽當以救趙

還報

李奇曰前受命於懷王往救趙當還反報

而擅劫諸侯兵入關罪三也

懷王約入秦無暴掠羽燒秦宮室掘始皇帝冢收私其

財罪四也

師古曰掘而發之收取其財以私自有的掘音具勿反

又彊殺秦降王

子嬰罪五也許阮秦子弟新安二十萬王其將

李奇曰章邯等

為罪六也皆王諸將善地而徙逐故主

○宋祁曰王諸將善地謂章邯

等徙逐故主謂田市趙歇韓廣之屬

令臣下爭畔逆罪七也出逐義帝彭

城自都之奪韓王地并王梁楚多自與罪八也使人陰

殺義帝江南罪九也夫為人臣而殺其主殺其已降為

政不平主約不信天下所不容大逆無道罪十也吾以

義兵從諸侯誅殘賊使刑餘罪人擊公

師古曰言輕賤也

何苦

乃與公挑戰羽大怒伏弩射中漢王漢王傷胸乃捫足

曰虜中吾指

師古曰捫摸也傷胸而捫足者以安衆也捫音門中音竹仲反

漢王病創

臥張良彊請漢王起行勞軍以安士卒

師古曰行音下更反其下亦同

○朱子文曰此句中多漢王二字當曰漢王病創臥張良彊請起行勞軍

毋令楚乘勝漢王

出行軍疾甚因馳入成臯十一月韓信與灌嬰擊破楚

軍殺楚將龍且追至城陽虜齊王廣齊相田橫自立為

齊王奔彭越漢立張耳為趙王漢王疾瘡

師古曰瘡與愈同愈差也

西入關至櫟陽存問父老置酒臬故塞王欣頭櫟陽市

師古曰臬縣首於木上○宋祁曰欣自剄汜上死矣今臬於此以欣舊都故示之

留四日復如

軍軍廣武關中兵益出而彭越田橫居梁地往來苦楚

兵絕其糧食韓信已破齊使人言曰齊邊楚

師古曰邊共為邊界

權輕不為假王恐不能安齊漢王怒欲攻之張良曰不

如因而立之使自為守春二月遣張良操印立韓信為

齊王

師古曰操持也音千高反

秋七月立黥布為淮南王八月初為

算賦

如淳曰漢儀注民年十五以上至五十六北貉燕出賦錢人百二十為一算為治庫兵車馬

人來致梟騎助漢

應劭曰北貉國也梟健也張晏曰梟勇也若六博之梟也師古曰貉在東

北方三韓之屬皆貉類也音莫客反漢王下令

師古曰令教命也下音胡嫁反他皆類此軍士

不幸死者吏為衣衾棺斂

師古曰棺音工喚反斂音力瞻反與作衣衾而斂尸於棺

轉送其家

師古曰轉傳送也

四方歸心焉

師古曰以仁愛故

項羽自知

少助食盡韓信又進兵擊楚羽患之漢遣陸賈說羽請

太公羽弗聽漢復使侯公說羽羽乃與漢約中分天下

割鴻溝以西為漢

應劭曰在滎陽東南二十里文穎曰於滎陽下引河東南為鴻溝以通宋

鄭陳蔡曹衛與濟汝淮泗會於楚卽今官渡水也

以東為楚九月歸太公呂后

軍皆稱萬歲乃封侯公為平國君

師古曰以其善說能平和邦國

羽解

而東歸漢王欲西歸張良陳平諫曰今漢有天下大半

韓昭白凡數

三分有二為大半有十分為少半

而諸侯皆附楚兵罷食盡

師古曰罷

讀白

此天亡之時不因其幾而遂取之

鄭氏曰幾微也師古曰幾危也

所謂養虎自遺患也漢王從之

前漢書卷一上

前漢書卷一上考證

高帝紀第一上。○監本刊此六字於第一行下非也。今從古本提行。顏注紀理也。云云。卽解此目後凡某紀某傳俱倣此。

沛豐邑中陽里人也。○劉攽曰：予謂沛豐郡縣名。○臣

名南

按攽說非也。史家記事必用當時地名。秦無沛郡。沛縣屬泗水郡。若全記郡縣必云泗水沛矣。時蕭何曹參王陵周勃樊噲夏侯嬰周緹周苛周昌任敖

皆同縣人而盧綰則同鄉同里故於蕭曹等傳但曰沛人綰傳則曰豐人又曰與高祖同里也師古說是則見交龍於上。臣召南按史記作見蛟龍於其上又為泗上亭長史記作為泗水亭長據後書郡國志云沛有泗水亭亭有高祖碑班固為文見固集是亭名泗水不名泗上也

引入坐上坐注坐才臥反次如字。○監本脫如字二字從宋本添又監本於顏注本文十刪四五全非古人

之舊今並從宋本添補

因舖之。○宋祁曰舖當作必故反。○監本脫宋祁一段
今從宋本凡三劉刊誤宋祁朱子文諸說別以一圈

脫者俱補

高祖乃書帛射上城。○按監本作射城上非也

不能完父兄子弟。○臣名南按監本作父子兄弟非也

此及史記皆作父兄子弟故師古注曰老及長者父
兄之行少及幼者子弟之黨也今改正

沛公攻胡陵方與。臣召南按史記本紀此事在上年之末此從月表在二年十月凡漢書月日與史記本紀不同者皆據月表也

走至戚注東海之縣也。胡三省通鑑注曰以地理考之沛郡與東海相去頗遠壯兵敗而走未必能至東海之戚班志沛郡有廣戚縣章懷太子曰廣戚故城在今徐州沛縣東恐是走至廣戚之戚也。臣召南按此說足以正顏注之失

至陽城與杠里注孟康曰二縣名也。○胡三省曰陽城
史記作成陽索隱曰在濟陰臣名南按陽城係成陽
轉寫之誤不獨史記可證本書曹參傳擊王離軍成
陽南又攻杠里大破之卽此事也

與魏將皇欣武滿軍合。○臣名南按功臣表樂平侯衛
無擇以隊卒從高祖起沛屬皇訢當卽此皇欣武滿
史記作武蒲蒲滿字形相近未知孰是

攻開封未拔注師古曰開封縣名屬滎陽。○臣名南按

注非也漢時開封縣屬河南郡其滎陽郡至晉始置
繞嶢關踰蕢山。宋敏求曰嶢關卽藍田關在藍田縣
東南九十里蕢山在縣東南二十五里

元年冬十月五星聚於東井。臣召南按魏書高允傳

允語崔浩曰按星傳金水二星常附日而行冬十月
日旦在尾箕昏沒於申南而東井方出於寅北何因
背日而行是史官欲神其事不復推之於理浩初謂
不然後歲餘謂允曰先所論者本不經心及更考究

果如君語以前三月聚東并非十月也高允此論足以發千古之蔽司馬溫公通鑑所以於十月之下從史記直言沛公至霸上不言五星聚井劉攽謂五星本以秦十月聚東井高帝迺以夏十月入秦亦卽崔浩前三月之說也

羽自立為西楚霸王。句上監本衍二月二字從宋本刪去

故齊王建孫田安為濟北王。臣召南按月表濟北王

都博陽遼東王都無終膠東王都卽墨代王都代常
山王都襄國此紀於諸國俱言所都而此數國獨闕
諸侯罷戲下注。顧炎武曰注引一說云時從項羽在
戲水之上此說為是蓋羽入咸陽而諸侯自留軍戲
下耳他處固有以戲為麾者但云罷麾下似不成文
從杜南入蝕中。程大昌雍錄曰以地望求之關中南
面背礙南山其有微徑可達漢中者惟子午谷在長
安正南其次向西則駱谷此蝕中若非駱谷卽是子

午谷

拜信為大將軍問以計策信對曰云云○臣召南按此

段語史記但曰韓信與韓王信傳一字不易其上亦無拜大將軍明文似此策本出於韓王信也漢書韓王信傳直用史記而高紀以為淮陰語自相矛盾矣

繕治河上塞注○

臣召南

按河上塞即河上郡之北境

與匈奴邊界處非秦時蒙恬所取河南地因河為塞者也蓋自諸侯叛秦匈奴復稍度河南與中國界於

故塞匈奴傳可証也河上郡後為馮翊前卽塞王國
此時初得其地卽復繕治障塞耳晉灼注以遠在朔
方五原者解之非也

大戰彭城靈壁東○大戰監本訛大敗從宋本改正

置河上渭南中地隴西上郡○臣名南按史記置郡卽

在二年歲首蓋不待章邯自殺其地已入漢也此紀
敘於六月蓋因廢邱旣降而總言之

割鴻溝以西為漢注○監本注後有索隱引張華及北

征記一段按此宋本所無而監本自增者也凡索隱
說已見史記不當附麗於此今從宋本刪之

前漢書卷一上考證

欽定四庫全書

史部

前漢書卷

五
一下至

詳校官侍讀臣陳萬青

洗馬臣王坦修覆勘

覆校官中書臣馮培

校對官中書臣王瓚

謄錄監生臣唐淮

欽定四庫全書

前漢書卷一下

漢 蘭 臺 令 史班 固撰

唐正議大夫行秘書少監琅邪縣開國子顏師古注

高帝紀第一下

五年冬十月漢王追項羽至陽夏南

師古曰夏音工雅反已解於上止

軍與齊王信魏相國越期會擊楚至固陵

晉灼曰即固始也師古曰

後跋為固始耳地理志固始屬淮陽○劉

欲曰子謂楚字句當斷至固陵不會為句不會楚擊漢

軍大破之漢王復入壁深塹而守謂張良曰諸侯不從

奈何良對曰楚兵且破未有分地

李奇曰信越等未有益地之分師古曰分

音扶問反

其不至固宜

師古曰理宜然也

君王能與共天下可立致

也

師古曰共有天下之地割而封之

齊王信之立非君王意信亦不自

堅

師古曰因信自請為假王乃立之耳故曰非君王意

彭越本定梁地始君王以

魏豹故拜越為相國今豹死越亦望王而君王不早定

今能取睢陽以北至穀城皆以王彭越

師古曰睢音雖

從陳以

東傳海與齊王信

師古曰傳讀曰附

信家在楚其意欲復得故

邑能出捐此地以許兩人

師古曰捐棄也音弋全反

使各自為戰則

楚易敗也於是漢王發使使韓信彭越至皆引兵來十

一月劉賈入楚地圍壽春漢亦遣人誘楚大司馬周殷

殷畔楚以舒屠六

如淳曰以舒之衆屠破六縣師古曰六者縣名即上所謂九江王都六者

也後屬廬江郡

舉九江兵迎黥布並行屠城父

如淳曰並行並擊也師古曰城

父縣名父音甫

隨劉賈皆會十二月圍羽垓下

應劭曰垓音該李奇曰沛浚縣

聚邑名也師古曰浚音衡交反

羽夜聞漢軍四面皆楚歌

應劭曰楚歌者雞鳴歌也

漢已略得其地故楚歌者多雞鳴時歌也師古曰楚歌者為楚人之歌猶言吳歎越吟耳若以雞鳴為歌曲之

名於理則可不得云雞鳴時也高祖令戚
夫人楚舞自為作楚歌豈亦雞鳴時乎
知盡得楚地

羽與數百騎走是以兵大敗灌嬰追斬羽東城

晉灼曰九江縣

楚地悉定獨魯不下漢王引天下兵欲屠之為其守節

禮義之國乃持羽頭示其父兄魯乃降初懷王封羽為

魯公及死魯又為之堅守故以魯公葬羽於穀城

師古曰即

濟北穀城

漢王為發喪哭臨而去

師古曰臨音力禁反

封項伯等四人

為列侯賜姓劉氏

師古曰皆羽之族先有功於漢者

諸民略在楚者皆

歸之漢王還至定陶馳入齊王信壁奪其軍初項羽所

立臨江王共敖前死子尉嗣立為王不降遣盧綰劉賈

擊虜尉春正月追尊兄伯號曰武哀侯

應劭曰兄伯早亡追諡之

下

令曰楚地已定義帝亡後欲存恤楚眾以定其主齊王

信習楚風俗更立為楚王

師古曰更改也

王淮北都下邳魏相

國建城侯彭越勤勞魏民卑下士卒

師古曰言安輯魏地保其人眾也下

音胡稼反

常以少擊眾數破楚軍其以魏故地王之號曰梁

王都定陶又曰兵不得休八年萬民與苦甚

如淳曰與音相干與

之與師古曰音弋庶反。劉攽曰與讀曰歟助辭。

今天下事畢其赦天下殊死

以下

如淳曰死罪之明白也左傳曰斬其木而弗殊韋昭曰殊死斬刑也師古曰殊絕也異也言其身首

離絕而異處也○劉攽曰予按說文漢蠻夷長有罪當殊之然則殊自死刑之名也於是諸侯上

疏曰楚王韓信韓王信淮南王英布梁王彭越故衡山

王吳芮

張晏曰漢元年項羽立芮為衡山王後又奪之地謂之番君是以曰故

趙王張敖

燕王臧荼昧死再拜言

張晏曰秦以為人臣上書當言昧犯死罪而言漢遂尊之

大

王陛下

應劭曰陛者升堂之陛王者必有執兵陳於階陛之側羣臣與至尊言不敢指斥故呼在陛下

者而告之因卑以達尊之意也若今稱殿下閣下侍者執事皆此類也

先時秦為亡道天

下誅之大王先得秦王定關中於天下功最多存亡定

危救敗繼絕以安萬民功盛德厚又加惠於諸侯王有功者使得立社稷地分已定而位號比擬亡上下之分

師古曰言大王與臣等並稱王是為比類相擬無尊卑之差別也地分音扶問反

大王功德之

著於後世不宣

師古曰言位號不殊則功德之著明者不宣於後世也

昧死再拜

上皇帝尊號漢王曰寡人聞帝者賢者有也

師古曰言賢德之人

乃可有帝號

虛言亡實之名非所取也今諸侯王皆推高寡

人將何以處之哉諸侯王皆曰大王起於細微滅亂秦

威動海內又以辟陋之地

師古曰辟讀曰僻

自漢中行威德誅

不義立有功平定海內功臣皆受地食邑非私之也大

王德施四海諸侯王不足以道之居帝位甚實宜願大

王以幸天下

晉灼曰漢儀注民臣被其德以為僥倖也師古曰幸者吉而免凶可慶幸也故福喜

之事皆稱為幸而死謂之不幸漢王曰諸侯王幸以為便於天下之民

則可矣於是諸侯王及太尉長安侯臣綰等三百人

古師

曰綰盧綰也

與博士稷嗣君叔孫通

孟康曰稷嗣邑名

謹擇良日二

月甲午上尊號漢王即皇帝位于汜水之陽

張晏曰在濟陰界取

其汜愛弘大而潤下也師古曰據叔孫通傳曰為皇帝於定陶則此水在濟陰是也音敷劔反

尊王后

曰皇后太子曰皇太子追尊先媼曰昭靈夫人詔曰

如淳

曰詔告也自秦漢以下唯天子獨稱之

以故衡山王吳芮與子二人兄子一

人從百粵之兵

服虔曰非一種若今言百蠻也

以佐諸侯誅暴秦有大

功諸侯立以為王項羽侵奪之地謂之番君

師古曰番音蒲何反

其以長沙豫章象郡桂林南海立番君芮為長沙王

臣瓚

曰茂陵書象郡治臨塵去長安萬七千五百里文穎曰桂林今鬱林也師古曰桂林今之桂州境界左右皆是其地非鬱林也○劉攽曰長沙封國本無豫章豫章屬淮南檢後十二年注文穎所說疑此豫章字傳寫誤加

之
又曰故粵王亡諸世奉粵祀秦侵奪其地使其社稷

不得血食

師古曰祭者尚血腥故曰血食也

諸侯伐秦亡諸身帥閩中

兵以佐滅秦

如淳曰閩音緡應劭曰音文飾之文師古曰閩越今泉州建安是其地也其人本蛇

種故其字從虫如音是也出音許尾反

項羽廢而弗立今以為閩粵之王

閩中地勿使失職帝乃西都洛陽夏五月兵皆罷歸家

詔曰諸侯子在閩中者復之十二歲

師古曰復音方目反○宋祁曰諸侯

子謂諸侯國人若楚子之類

其歸者半之

師古曰各已還其本土者復六歲也

民前或

相聚保山澤不書名數

師古曰保守也安也守而安之以避難也名數謂戶籍也今

天下已定令各歸其縣復故爵田宅

師古曰復還也音扶目反吏以

文法教訓辨告勿答辱

師古曰辨告者分別義理以曉喻之。○宋祁曰南本辨告作辭

告非民以饑餓自賣為人奴婢者皆免為庶人軍吏卒

會赦其亡罪而亡爵及不滿大夫者皆賜爵為大夫

如淳

曰軍吏卒會赦得免罪及本無罪而無爵級者皆賜爵為大夫師古曰大夫第五爵也。○劉攽曰予謂有罪者會赦免罪而已不得賜爵也亡罪乃得為大夫耳故大夫以上賜爵各一級

古師

曰就加之也級等也其七大夫以上皆令食邑

臣瓚曰秦制列侯乃得食邑今七大

夫以上皆食邑所以寵之也師古曰七大夫公大夫也爵第七故謂之七大夫非七大夫以下

皆復其身及戶勿事

應劭曰不輸戶賦也如淳曰事謂役使也師古曰復其身及一戶之

內皆不徭賦也

又曰七大夫公乘以上皆高爵也

師古曰公

乘第諸侯子及從軍歸者

○劉攽曰諸侯子總謂諸侯國人及字後人妄加之

甚

多高爵吾數詔吏先與田宅及所當求於吏者亟與

師古

曰亟急也音居力反

爵或人君上所尊禮

師古曰爵高有國邑者則自君其人故云或人

君也上謂天子

久立吏前曾不為決

師古曰有辨訟及陳請者不早為決斷

甚亡

謂也

師古曰亡謂者失於事宜不可以訓

異日秦民爵公大夫以上令丞

與亢禮

應劭曰言從公大夫以上民與令丞亢禮亢禮者長揖不拜師古曰異日猶言往日也亢者當

也言高下相當無所卑屈不獨謂揖拜也

今吾於爵非輕也吏獨安取此

師古

曰於何得此
輕爵之法也

且法以有功勞行田宅

蘇林曰行音行酒之行猶付與也

今小吏未嘗從軍者多滿

如淳曰多自滿足也

而有功者顧不得

師古曰顧猶反也言若人反顧然

背公立私守尉長吏教訓甚不善

師古

曰守郡守也尉郡尉也長吏謂縣之令長

其令諸吏善遇高爵稱吾意

師古曰稱

也且廉問有不如吾詔者以重論之

師古曰廉察也廉字本作規其音同

耳帝置酒雒陽南宮上曰

如淳曰蔡邕云上者尊位所在也但言上不敢言尊號耳

通侯諸將

應劭曰舊曰徹侯避武帝諱曰通侯通亦徹也通者言其功德通於王室也張晏曰後改

為列侯列者見序列也

毋敢隱朕

如淳曰朕我也蔡邕曰古者上下共之咎繇與帝舜言稱朕屈

原曰朕皇考至秦獨以為尊稱漢遂因之而不改也

皆言其情吾所以有天下者

何項氏之所以失天下者何高起王陵對曰

張晏曰詔使高官者

起故陵先對孟康曰姓高名起臣瓚曰漢帝年紀高帝時有信平侯臣陵都武侯臣起魏相邴吉奏高帝時奏事有將軍臣陵臣起師古曰張說非也若言高官者起則丞相蕭何太尉盧綰及張良陳平之屬時皆在陵上陵不得先對也

陛下嫚而侮人

師古曰嫚易也讀與慢同

項羽仁而敬人然

陛下使人攻城略地所降下者因以與之與天下同利也項羽妬賢嫉能有功者害之賢者疑之戰勝而不與人功得地而不與人利此其所以失天下也上曰公知

其一未知其二夫運籌帷幄之中決勝千里之外吾不

如子房填國家撫百姓給餉餽不絕糧道吾不如蕭何

師古曰填與鎮同連百萬之衆戰必勝攻必取

○宋祁曰南本

作戰必取勝吾不如韓信三者皆人傑吾能用之

師古曰傑

言桀然獨出也此吾所以取天下者也項羽有一范增而不能

用此所以為我禽也羣臣說服

師古曰說讀曰悅○宋祁曰此所以此字下疑

有其字初田橫歸彭越項羽已滅橫懼誅與賓客亡入海

上恐其久為亂遣使者赦橫曰橫來大者王小者侯

師古

曰大者謂其長率卽橫身也小者謂其從屬也不來且發兵加誅橫懼乘傳詣

雜陽

如淳曰律四馬高足為置傳四馬中足為馳傳四馬下足為乘傳一馬二馬為輅傳急者乘一乘傳

師古曰傳者若今之驛古者以車謂之傳車其後又單置馬謂之驛騎傳音張戀反未至三十里

自殺上壯其節為流涕發卒二千人以王禮葬焉戍卒

婁敬求見說上曰陛下取天下與周異而都雜陽不便

不如入關據秦之固上以問張良良因勸上是日車駕

西都長安

師古曰凡言車駕者謂天子乘車而行不敢指斥也是日卽其日也著是日者言從善之

連也長安本秦之鄉名高祖作都焉拜婁敬為奉春君張晏曰春歲之始也今婁敬發事之

始故號曰
奉春君也

賜姓劉氏六月壬辰大赦天下秋七月燕王

臧荼反上自將征之九月虜荼詔諸侯王視有功者立

以為燕王荆王臣信等十人

如淳曰荆亦楚也賈逵曰
秦莊襄王名楚故改諱荆

遂行於世晉灼曰詩曰奮伐荆楚自秦之先故以稱荆
也師古曰晉說是也左傳又云荆尸而舉亦已久矣

皆曰太尉長安侯盧綰功最多請立以為燕王使丞相

噲將兵平代地

○宋祁曰噲是時未為丞
相百官表噲未嘗為相

利幾反上自

擊破之利幾者項羽將羽敗利幾為陳令降上侯之頰

川上至雒陽舉通侯籍名之

蘇林曰都以
侯籍名之

而利幾恐反

師古曰普召通侯而利幾自
以項羽將故恐懼而反也

後九月徙諸侯子關中治

長樂宮

六年冬十月令天下縣邑城

張晏曰皇后公主所食曰邑令各自築其城也師古

曰縣之與邑皆令築城

人告楚王信謀反上問左右左右爭欲擊

之用陳平計乃偽游雲夢

韋昭曰在南郡之華容也師古曰夢讀如本字又音莫風

反十二月會諸侯于陳楚王信迎謁因執之詔曰天下

既安豪桀有功者封侯新立未能盡圖其功

師古曰新立言新即

帝位也圖謂謀而賞之

身居軍九年或未習法令或以其故犯法

韋昭曰言未習知法令而犯之者有司因以故犯法之
罪罪之故帝愍焉師古曰此說非也言以未習法令之
故不知避罪遂致犯刑
帝原其本情故加憐之
大者死刑吾甚憐之其赦天下

田肯賀上曰甚善陛下得韓信又治秦中

師古曰治謂都之也秦中

謂關中秦地也

秦形勝之國也

張晏曰得形勢之勝便也韋昭曰地形險固故能勝人

帶

河阻山縣隔千里

鄭氏曰縣音懸師古曰此本古之懸字耳後人轉用為州縣字乃更加心

以別之非當借音他皆類此

持戟百萬秦得百二焉

應劭曰言河山之險與諸侯相

縣隔絕千里也所以能禽諸侯者得天下之利百二也

李斐曰山川之險由地勢高順流而下易故天下於秦縣隔千里也持戟百萬秦得百二焉蘇林曰百二得百中之二二萬人也秦地險固二萬人足當諸侯百萬人

也師古曰縣隔千里李應地執便利其以下兵於諸侯

得之秦得百二蘇說是也

譬猶居高屋之上建瓴水也

如淳曰瓴盛水瓶也居高屋之上而幡瓴水言其向

下之勢易也建音蹇蘇林曰瓴讀曰鈴師古曰如蘇音說皆是建音居偃反夫齊東有琅邪

即墨之饒師古曰二縣近海財用之所出南有泰山之固西有濁河之

限晉灼曰齊西有平原河水東北過高唐高唐即平原也孟津號黃河故曰濁河也北有勃海

之利地方二千里持戟百萬縣隔千里之外齊得十二

焉應劭曰齊得十之二耳故愍王稱東帝後復歸之卒為秦所滅者利鈍之勢異也李斐曰齊有山河之限

地方二千里是與天下縣隔也設有持戟百萬之衆齊得十中之二焉百萬十分之二亦二十萬也但文相避

故言東西秦其勢敵也蘇林曰十二得十中之二二十萬人當百萬言齊雖固不如秦二萬乃當百萬也晉灼曰索文攷義蘇說是也師古曰蘇晉之釋得其意也秦得百二者二萬人當諸侯百萬人也齊得十二者二十萬人當諸侯百萬也所以言縣隔千里之外者除去秦地而齊乃與諸侯計利便也○宋祁曰景德本蘇林注文云十二得十中之二萬人無二十當百萬五字景祐刊誤本據史記注當作二十萬人當百萬又余以為若蘇說已明顏安得更於下解云齊得十二者二十萬人當諸侯百萬也

此東西秦也

○劉攽曰

按文多西字

非親子弟莫可使王齊者上曰善賜金五百斤

上還至雒陽赦韓信封為淮陰侯甲申始剖符封功臣

曹參等為通侯

師古曰剖破也與其合符而分授之也剖音普口反

詔曰齊古之

建國也今為郡縣其復以為諸侯

師古曰為國以封諸侯王

將軍劉

賈數有大功及擇寬惠修繫者王齊荆地春正月丙午

韓王信等奏請以故東陽郡鄆郡吳郡五十三縣立劉

賈為荆王

文穎曰東陽今下邳也鄆郡今丹陽也吳郡本會稽也韋昭曰鄆郡今故鄆縣也後郡徙

丹陽轉以為縣故謂之故鄆也師古曰鄆音章。劉攽曰按地理志東陽鄆吳皆非秦郡後漢順帝時始分會稽為吳今此以碭郡薛郡郟郡三十六縣立弟文信君

交為楚王

文穎曰薛郡今魯國是也郟郡今東海郡也師古曰郟音談。劉攽曰郟亦非秦郡壬

子以雲中鴈門代郡五十三縣立兄宜信侯喜為代王

以膠東膠西臨淄濟北博陽城陽郡七十三縣立子肥

為齊王

○劉攽曰膠東濟北皆項氏所建國齊都臨淄可以齊為臨淄膠西則未有國博陽城陽亦非

秦郡此文亦殊不可曉

以太原郡三十一縣為韓國徙韓王信都

晉陽上已封大功臣三十餘人其餘爭功未得行封上

居南宮從復道上

如淳曰復音複上下有道故謂之復

見諸將往往耦語

以問張良良曰陛下與此屬共取天下今已為天子而

所封皆故人所愛所誅皆平生仇怨今軍吏計功以天

下為不足用徧封

師古曰言有功者多而土地少

而恐以過失及誅故

相聚謀反耳上曰為之奈何良曰取上素所不快

師古曰言

有舊嫌者也

計羣臣所共知最甚者一人先封以示羣臣三

月上置酒封雍齒因趣丞相急定功行封

師古曰趣讀曰促罷

酒羣臣皆喜曰雍齒且侯吾屬亡患矣上歸櫟陽五日

一朝太公太公家令說太公曰天亡二日土亡二王皇

帝雖子人主也太公雖父人臣也奈何令人主拜人臣

如此則威重不行後上朝太公擁彗

李奇曰為恭也如令卒持帚也師古

曰彗者所以掃也音似歲反

迎門卻行

師古曰卻退而行也音丘略反

上大驚下扶

太公太公曰帝人主奈何以我亂天下法於是上心善

家令言

師古曰晉太子庶子劉寶云善其發悟已心因得尊崇父號非善其令父敬已

賜黃金

五百斤夏五月丙午詔曰人之至親莫親於父子故父

有天下傳歸於子子有天下尊歸於父此人道之極也

前日天下大亂兵革並起萬民苦殃朕親被堅執銳

古師

曰被堅謂甲冑也執銳謂利兵也被音皮義反

自帥士卒犯危難平暴亂立諸

侯偃兵息民天下大安此皆太公之教訓也諸王通侯

將軍羣卿大夫已尊朕為皇帝而太公未有號今上尊

太公曰太上皇

師古曰太上極尊之稱也皇君也天子之父故號曰皇不預治國故不言帝也

○蔡邕云不言帝非天子也又案本紀秦始皇追尊莊襄為太上皇已有故事矣蓋太上者無上也皇者德大

於帝秋九月匈奴圍韓王信於馬邑信降匈奴

七年冬十月上自將擊韓王信於銅鞮

師古曰縣名也鞮音丁奚反

斬其將信亡走匈奴與其將曼丘臣王黃

師古曰姓曼丘名臣也

丘母丘本一姓也語有緩急耳曼音萬○朱子文曰考其文理意義於信亡走匈奴句下多一與字既云信與其將共立趙利為王如何却云收信散兵信字不當下矣又信本傳拘於紀文亦多一與字便無義理傳云信亡走云云又曰復收信散兵而與信及冒頓謀攻漢既云信與其將立趙利為王如何又云收信散兵而與信

以此觀之信既亡走匈奴兵亂未知所在其將乃共立趙利為王收信散兵與匈奴共距漢若去一與字紀傳皆分

共立故趙後趙利為王

師古曰故趙六國時趙也

收信散兵與

匈奴共距漢上從晉陽連戰乘勝逐北至樓煩會大寒

士卒墮指者什二三

師古曰十人之中二三墮指

遂至平城為匈奴

所圍七日用陳平秘計得出

應劭曰陳平使畫工圖美女問遣人遺閼氏云漢有

美女如此今皇帝困厄欲獻之閼氏畏其奪已寵因謂單于曰漢天子亦有神靈得其土地非能有也於是匈奴開其一角得突出鄭氏曰以計鄙陋故秘不傳師古曰應氏之說出桓譚新論蓋譚以意測之事當然耳非記傳所說也

使樊噲留定代地十二月上還過趙不禮趙王

是月匈奴攻代代王喜棄國自歸雒陽赦為合陽侯辛

卯立子如意為代王春令郎中有罪耐以上請之

應劭曰輕

罪不至於髡完其耐鬢故曰耐古耐字從彡髮膚之意也杜林以為法度之字皆從寸後改如是言耐罪已上皆當先請也耐音若能如淳曰耐猶任也任其事也師古曰依應氏之說耐當音而如氏之解則音乃代反其義亦兩通耐謂頰旁毛也多毛髮貌也音所廉反又先廉反而功臣侯表宣曲侯通耐為鬼薪則應氏之說斯為長矣○宋祁曰師古曰依應氏之說又云多毛髮貌余以顏氏之說似不審應意反誤引說文不了其義更有兩通之語且今說文耐無而音止於乃代一音耳案古者能字皆作耐字亦取堪任其事之意後世以三足之能為能故今人書能無有作耐字者應云耐音若能之能能耐自然聲近矣本不為而音也顏云耐謂頰旁

毛據說文自訓而字為頰毛耳象毛之形至耐
字直釋云罪不至髡則顏謬意而誤說文明矣
民產子

復勿事二歲

師古曰勿事不役使也

二月至長安蕭何治未央宮

立東闕北闕前殿武庫太倉

師古曰未央殿雖南嚮而上書奏事謁見之徒皆詣

北闕公車司馬亦在北焉是則以北闕為正門而又有東門東闕至於西南兩面無門闕矣蓋蕭何初立未央宮以厭勝之術理宜然乎上見其壯麗甚怒謂何曰天下匈匈勞苦

數歲成敗未可知

師古曰匈匈喧擾之意

是何治宮室過度也何

曰天下方未定故可因以就宮室

師古曰就成也

且夫天子以

四海為家非令壯麗亡以重威且亡令後世有以加也

上說

師古曰說讀曰悅

自櫟陽徙都長安置宗正官以序九族

夏四月行如雒陽

師古曰如往也

八年冬上東擊韓信餘寇於東垣

孟康曰真定也師古曰垣音轄

還過

趙趙相貫高等恥上不禮其王陰謀欲弑上上欲宿心

動問縣名何曰柏人上曰柏人者迫於人也去弗宿十

一月令士卒從軍死者為櫜

服虔曰櫜音衛應劭曰小棺也今謂之櫜

歸其

縣縣給衣衾棺葬具

如淳曰棺音貫謂棺斂之服也臣瓚曰初以櫜致其尸於家縣官更

給棺衣更斂之也金布令曰不幸死死所為櫜傳歸所居縣賜以衣棺也師古曰初為櫜櫜至縣更給衣及棺

備其葬具耳不勞改讀音為貫也
金布者今篇名若今言倉庫令也
祠以少牢長吏視葬

十二月行自東垣至

師古曰至京師

春三月行如雒陽令吏卒

從軍至平城及守城邑者

如淳曰平城左右諸城能堅守者

皆復終身

勿事

師古曰復音方目反

爵非公乘以上毋得冠劉氏冠

文穎曰即竹皮

冠也

賈人毋得衣錦繡綺縠絺紵罽毼操兵乘騎馬

師古曰賈人坐

販賣者也綺文繪也卽今之細綾也絺細葛也紵織紵為布及疏也罽織毛若今氍毹及毼毼之類也操持也兵凡兵器也乘駕車也騎單騎也賈音古絺音丑知反紵音佇罽音居例反操音干高反

秋八月吏

有罪未發覺者赦之九月行自雒陽至淮南王梁王趙

王楚王皆從

九年冬十月淮南王梁王趙王楚王朝未央宮置酒前

殿上奉玉卮

應劭曰飲酒禮器也古以角作受四升古卮字作觥晉灼曰音支師古曰卮飲酒圓

器也今尚有之

為太上皇壽

師古曰進酒而獻壽也已解於上

曰始大人常以

臣亡賴

應劭曰賴者恃也晉灼曰許慎云賴利也無利入於家也或曰江淮之間謂小兒多詐狡獪為

亡賴師古曰晉說是也獪音工外反

不能治產業不如仲力

服虔曰力勤力也今

某之業所就孰與仲多

師古曰就成也與亦如也

殿上羣臣皆稱萬

歲大笑為樂十一月徙齊楚大族昭氏屈氏景氏懷氏

田氏五姓關中與利田宅

師古曰利謂便好也屈音九勿反

十二月行

如雒陽貫高等謀逆發覺逮捕高等

師古曰逮捕謂事相連及者皆捕之

也一曰在道守禁相屬不絕若今之傳送囚耳○劉攽曰予謂逮者其人存直追取之捕者其人亡當討捕也

故有或但言逮或但言捕知異物也一云逮易辭捕加力也逮徒呼名召之捕加束縛矣并捕趙王

赦下獄詔敢有隨王罪三族

張晏曰父母兄弟妻子也如淳曰父族母族妻族也

師古曰如郎中田叔孟舒等十人自髡鉗為王家奴

師古

說也是也

從王就獄王實不知其謀春正月廢趙

王赦為宣平侯徙代王如意為趙王王趙國丙寅前有

罪殊死已下皆赦之二月行自雒陽至賢趙臣田叔孟

舒等十人名見與語漢廷臣無能出其右者師古曰古者以右為

尊言材用無能過之者故云不出其右也他皆類此○劉攽曰予謂右者居則貴左用兵則貴右貴右似戰國

也時俗上說師古曰說讀曰悅盡拜為郡守諸侯相夏六月乙未

晦日有蝕之

十年冬十月淮南王燕王荆王梁王楚王齊王長沙王

來朝夏五月太上皇后崩如淳曰王陵傳楚取太上皇

后不見歸媪也又上五年追尊母媪為昭靈夫人高后時乃追尊為昭靈后耳漢儀注高帝母兵起時死小黃

北後於小黃作陵廟以此二者推之不得有太上皇后崩也李竒曰高祖後母也晉灼曰五年追尊先媼曰昭靈夫人言追尊則明其已亡史記十年春夏無事七月太上皇崩葬櫟陽宮無此夏五月太上皇后崩八字也又漢儀注先媼已葬陳留小黃師古曰如晉二說皆得之無此太上皇后也諸家之說更有異端適為煩穢不足采也

秋七月癸卯太上皇崩葬萬年

師古曰三輔黃圖云高祖初居櫟陽

故太上皇因在櫟陽十年太上皇崩葬其北原起萬年邑置長丞也赦櫟陽囚死罪已下臣瓚曰萬年陵在櫟陽縣界故特赦之○宋祁曰已當作以八月令諸侯王皆立太

上皇廟于國都

蔡邕曰皇子封為王者實古諸侯加號稱王故云諸侯王封為侯者謂之諸侯

九月代相國陳豨反

鄧展曰東海人名豨曰豨師古曰豨音許豈反

上曰豨嘗

為吾使甚有信

師古曰為音于偽反

代地吾所急故封豨為列侯

以相國守代今乃與王黃等劫掠代地吏民非有罪也

能去豨黃來歸者皆舍之

師古曰去謂棄離之而來也

上自東至邯

鄆上喜曰豨不南據邯鄆而阻漳水

○宋祁曰而舊本作北刊誤據史記

改為而然據漳水不在北也

吾知其亡能為矣趙相周昌奏常山二

十五城亡其二十城請誅守尉

師古曰守者郡守尉者郡尉也

上曰守

尉反乎對曰不上曰是力不足亡罪上令周昌選趙壯

士可令將者白見四人

師古曰白於天子而名見也

上嫚罵曰

師古曰嫚

者深
汙也

賢子能為將乎四人慚皆伏地上封各千戶以為

將左右諫曰從入蜀漢伐楚賞未徧行今封此何功上

曰非汝所知陳豨反趙代地皆豨有吾以羽檄徵天下

兵未有至者

師古曰檄者以木簡為書長尺二寸用徵
名也其有急事則加以鳥羽插之示速疾

也魏武奏事云今邊有警
輒露檄插羽檄音胡歷反

今計唯獨邯鄲中兵耳吾何

愛四千戶不以慰趙子弟皆曰善又求樂毅有後乎

師古

曰樂毅戰國
時燕將也

得其孫叔封之樂鄉號華成君問豨將皆

故賈人上曰吾知與之矣

師古曰與如也言能如之何
也○劉攽曰與猶待也○劉

啟曰知與之者知所以與之術也豨將皆故賈人賈人嗜利乃多以金購之○宋祁曰吾知與之矣南本知

字下有易字

乃多以金購豨將

師古曰購設賞募也音構

豨將多降

十一年冬上在邯鄲豨將侯敞將萬餘人游行王黃將

騎千餘軍曲逆

文穎曰今中山蒲陰是也

張春將卒萬餘人度河攻

聊城

師古曰即今博州聊城縣

漢將軍郭蒙與齊將擊大破之太尉

周勃道太原入定代地

師古曰道由太原也

至馬邑馬邑不下攻

殘之

師古曰殘謂多所殺戮也○宋祁曰馬邑或作高邑

豨將趙利守東垣高祖

攻之不下卒罵上怒城降卒罵者斬之諸縣堅守不降

反寇者復租賦三歲春正月淮陰侯韓信謀反長安夷

三族將軍柴武斬韓王信於參合

師古曰代之縣也

上還雒陽

詔曰代地居常山之北與夷狄邊趙乃從山南有之遠

數有胡寇難以為國頗取山南太原之地益屬代

師古曰少

割以益之不盡取也頗音普我反後皆類此

代之雲中以西為雲中郡則代

受邊寇益少矣王相國通侯吏二千石擇可立為代王

者燕王綰相國何等三十三人皆曰子恒賢知溫良請

立以為代王都晉陽

如淳曰文紀言都中都又文帝過太原復晉陽中都二歲似遷都於

中都也

大赦天下二月詔曰欲省賦甚

師古曰意甚欲省賦斂也

今獻

未有程

師古曰程法式也

吏或多賦以為獻而諸侯王尤多民

疾之

師古曰諸侯王賦其國中以為獻物又多於郡故百姓疾苦之

令諸侯王通侯常

以十月朝獻及郡各以其口數率

師古曰率計也○劉斂曰率當屬下句大

也

率人歲六十三錢以給獻費又曰蓋聞王者莫高於周

文伯者莫高於齊桓

師古曰伯讀曰霸

皆待賢人而成名今天

下賢者智能豈特古之人乎

師古曰特獨也

患在人主不交故

也士奚由進

師古曰奚何也

今吾以天之靈賢士大夫定有天

下以為一家欲其長久世世奉宗廟亡絕也賢人已與

我共平之矣而不與吾共安利之可乎賢士大夫有肯

從我遊者吾能尊顯之布告天下使明知朕意御史大

夫昌下相國

臣瓚曰周昌已為趙相御史大夫是趙堯耳

相國鄴侯下諸侯

王

臣瓚曰茂陵書何封國在南陽鄴音贊師古曰瓚說是也而或云何封沛郡鄴縣音才何反非也案地理

志南陽鄴縣云侯國沛鄴縣不云侯國也又南陽鄴者本是春秋時陰國所謂遷陰于下陰者也今為襄州陰

城縣有鄴城城西見有蕭何廟彼土又有筑水筑水之陽古曰筑陽縣與鄴側近連接據何本傳何薨之後子

祿無嗣高后封何夫人同為鄴侯小子延為筑陽侯孝文寵同更封延為鄴侯是知何封鄴國兼得筑陽此明

驗也但鄴字別有鄜音是以沛之鄜縣史記漢書皆作鄴字明其音同也班固泗水亭碑以蕭何相國所封與

何同韻於義無爽然其封邑實在南陽非沛縣也且地理志云王莽改沛鄴曰贊治然則沛鄴亦有贊音鄜鄴

相亂無所取信也說者又引江統徂淮賦以為證此乃統之疏謬不可考覈亦猶潘岳西征以陝之曲沃為成

師所居耳斯例御史中執法下郡守晉灼曰中執法中丞也其有甚多不可具載

意稱明德者必身勸為之駕文穎曰有賢者郡守身自往勸勉令至京師駕車遣

之遣詣相國府署行義年蘇林曰行狀年紀也○劉放曰義讀曰儀儀謂儀容其年

若曰團有而弗言覺免年老癯病勿遣師古曰癯疲病也音隆三

月梁王彭越謀反夷三族師古曰夷平也謂盡誅除之詔曰擇可以

為梁王淮陽王者燕王綰相國何等請立子恢為梁王

子友為淮陽王寵東郡頗益梁寵潁川郡頗益淮陽夏

四月行自雒陽至令豐人徙關中者皆復終身

應劭曰太上皇

思土欲歸豐高祖乃更築城寺市里如豐縣號曰新豐徙豐民以充實之師古曰徙豐人所居卽今之新豐古城是其處復五月詔曰粵人之俗好相攻擊前時秦徙

音方目反

中縣之民南方三郡

如淳曰中縣之民中國縣民也秦始皇略取疆梁地以為桂林象郡

南海郡故曰三郡

使與百粵雜處

李奇曰欲以介其間使不相攻擊也

會天下誅

秦南海尉宅居南方長治之

晉灼曰長音長吏之長師古曰宅古佻字也書本亦

或作他並音徒何反它者南海尉之名也姓趙長治謂為之長帥而治理之也甚有文理中縣

人以故不耗減

師古曰耗損也音火到反

粵人相攻擊之俗益止俱

賴其力今立它為南粵王使陸賈即授璽綬

師古曰即就也就其

所居而立之

它稽首稱臣六月令士卒從入蜀漢關中者皆

復終身

師古曰復音方目反

秋七月淮南王布反上問諸將滕公

言故楚令尹薛公有籌策上召見薛公言布形勢上善

之封薛公千戶詔王相國擇可立為淮南王者羣臣請

立子長為王上乃發上郡北地隴西車騎巴蜀材官及

中尉卒三萬人

應劭曰材官有材力者張晏曰材官騎士習射御騎馳戰陳常以八月太守都

尉令長丞會都試課殿最水處則習船邊郡將萬騎行障塞光武時省韋昭曰中尉卽執金吾也

為皇

太子衛軍霸上布果如薛公言東擊殺荆王劉賈劫其兵度淮擊楚楚王交走入薛上赦天下死罪以下皆令從軍徵諸侯兵上自將以擊布

十二年冬十月上破布軍于會缶

孟康曰音僧保邑名屬沛國蘄縣蘇林曰

缶音垂晉灼曰蘄縣鄉名也師古曰會音工外反缶音丈瑞反蘇音是也此字本作垂而轉寫者誤為缶字耳音保非也黠布傳則正作垂字此足明其不作缶也布走令別將追之上還過沛

留置酒沛宮悉召故人父老子弟佐酒

應劭曰助行酒

發沛中

兒得百二十人教之歌酒酣

師古曰酣洽也音胡甘反

上擊筑

鄧展曰筑

音竹應劭曰狀似琴而大頭安絃以竹擊之故名曰筑師古曰今筑形似瑟而細頸也

自歌曰大

風起兮雲飛揚威加海內兮歸故鄉安得猛士兮守四

方令兒皆和習之

師古曰和音胡卧反

上乃起舞忼慨傷懷

師古曰忼

音口朗反慨音口代反

泣數行下

師古曰泣目中淚也

謂沛父兄曰游子悲

故鄉

師古曰游子行客也悲謂顧念也

吾雖都關中萬歲之後吾魂魄

猶思家沛

宋祁曰家或作樂

且朕自沛公以誅暴逆遂有天下

其以沛為朕湯沐邑

師古曰凡言湯沐邑者謂以其賦稅供湯沐之具也

復其民

世世無有所與

師古曰復音方目反與讀曰豫

沛父老諸母故人日樂

飲極歡道舊故為笑樂

師古曰言日日樂飲也樂並音來各反

十餘日上

欲去沛父兄固請上曰吾人衆多父兄不能給乃去沛

中空縣皆之邑西獻

如淳曰獻牛酒也師古曰之往也皆往邑西競有所獻故縣中空無

人上留止張飲三日

張晏曰張帷帳也師古曰張音竹亮反

沛父兄皆頓

首曰沛幸得復豐未得唯陛下哀矜上曰豐者吾所生

長極不忘耳

師古曰極至也至念之不忘也

吾特以其為雍齒故反我

為魏沛父兄固請之廼并復豐比沛漢別將擊布軍洮

水南北

蘇林曰洮音兆

皆大破之追斬布番陽

師古曰番音蒲何反

周勃

定代斬陳豨於當城

韋昭曰代郡縣也

詔曰吳古之建國也日

者荆王兼有其地

師古曰日者猶往日也

今死亡後朕欲復立吳

王其議可者長沙王臣等言

師古曰臣者長沙王之名吳芮之子也今書本或臣

下有芮字者流俗妄加也

沛侯濞重厚

服虔曰濞音滂濞師古曰音普懿反

請立為吳

王已拜上名謂濞曰汝狀有反相因拊其背曰漢後五

十年東南有亂豈汝邪

應劭曰高祖有聰略反相徑可知至於東南有亂克期五十占

者所知也若秦始皇東巡以厭氣後劉項起東南疑當如此耳如淳曰度其貯積足用為難又吳楚世不賓服也拊謂摩循之然天下同姓一家汝慎毋反潁頓首曰

不敢十一月行自淮南還過魯以太牢祠孔子十二月

詔曰秦皇帝楚隱王

師古曰陳勝也

魏安釐王

師古曰昭王之子也釐讀曰僖

漢書僖諡及福禧字例多為釐

齊愍王

師古曰宣王之子為淖齒所殺

趙悼襄王

師古曰孝

成王子

皆絕亡後其與秦始皇帝守冢二十家楚魏齊各

十家趙及魏公子亡忌各五家

師古曰亡忌即信陵君也

令視其冢

復亡與它事

師古曰復音方目反與讀曰豫

陳豨降將言豨反時燕王

盧綰使人之豨所陰謀

師古曰之往也

上使辟陽侯審食其迎

綰

師古曰辟音必亦反食其音異基

綰稱疾食其言綰反有端春二月

使樊噲周勃將兵擊綰詔曰燕王綰與吾有故愛之如

子聞與陳豨有謀吾以為亡有故使人迎綰綰稱疾不

來謀反明矣燕吏民非有罪也賜其吏六百石以上爵

各一級與綰居去來歸者赦之

師古曰先與綰居今能去之來歸漢者赦其罪

加爵亦一級詔諸侯王議可立為燕王者長沙王臣等

請立子建為燕王詔曰南武侯織亦粵之世也立以為

南海王

文穎曰高祖五年以象郡桂林南海長沙立吳芮為長沙王象郡桂林南海屬尉佗未降遙

虛奪以封芮耳後佗降漢十一年更立佗為南越王自此王三郡芮唯得長沙桂林零陵耳今復封織為南海王復遙奪佗一郡織未得王之○劉攽曰零陵武帝始立郡文說誤矣且始敘高帝封吳芮無零陵之文疑亦傳寫妄加之三月詔曰吾立為天子帝有天下十二年于今

矣與天下之豪士賢大夫共定天下同安輯之

師古曰輯與集

同其有功者上致之王次為列侯下乃食邑

師古曰謂非列侯而

特賜食邑者

而重臣之親或為列侯皆令自置吏得賦斂女

子公主

如淳曰公羊傳曰天子嫁女於諸侯必使諸侯同姓者主之故謂之公主百官表列侯所食曰

國皇后公主所食曰邑帝姊妹曰長公主諸王女曰翁主師古曰如說得之天子不親主婚故謂之公主諸王即自主婚故其女曰翁主翁者父也言父主其婚也亦曰王主言王自主其婚也高祖答項羽曰吾翁即若翁也揚雄方言云周晉秦隴謂父曰翁而臣瓚王琳或云公者比於上爵或云主者婦人尊稱皆失之○劉敞曰予謂公主之稱本出秦舊男為公子女為公主古者大夫妻稱主故以公配之若謂同姓主之故謂之公主則周之事秦不知用也古之嫁女當如周使大夫為主何不謂之夫主乎然則謂之王主者猶言王子也謂之翁主者緣公為列侯食邑者皆佩之印賜大第室

孟康曰有甲乙

次第故曰第也

吏二千石徙之長安受小第室入蜀漢定三秦

者皆世世復

師古曰復音方目反

吾於天下賢士功臣可謂亡負

矣其有不義背天子擅起兵者與天下共伐誅之

師古曰擅

專也音上戰反他皆類此

布告天下使明知朕意上擊布時為流矢

所中行道疾疾甚呂后迎良醫醫入見上問醫曰疾可

治不醫曰可治

○宋祁曰舊本及越本並無不醫曰可治五字

於是上嫚罵之

曰

○朱子文曰於文醫曰可治句下正不須於是二字宜去之

吾以布衣提三尺取

天下

師古曰三尺劍也下韓安國傳所云三尺亦同而流俗書本或云提三尺劍劍字後人所加耳此

非天命乎命乃在天雖扁鵲何益

韋昭曰泰山盧人也名越人魏桓侯時醫

也臣瓚曰史記云齊勃海人也魏無桓侯師古曰瓚說是也扁音步典反

遂不使治疾賜黃

金五十斤寵之呂后問曰陛下百歲後蕭相國既死誰

令代之上曰曹參可問其次曰王陵可然少戇

師古曰戇愚也

古音下紺反今則竹巷反陳平可以助之陳平知有餘然難獨任周

勃重厚少文然安劉氏者必勃也可令為太尉呂后復

問其次上曰此後亦非乃所知也

師古曰乃汝也言自此以後汝亦終矣不

復知盧綰與數千人居塞下候伺幸上疾愈自入謝

師古

曰冀得上疾愈自入謝以為已身之幸也

夏四月甲辰帝崩于長樂宮

臣瓚曰帝

年四十二即位卽位十三年壽五十三

盧綰聞之遂亡入匈奴呂后與審

食其謀曰諸將故與帝為編戶民

師古曰編戶者言列次名籍也編音鞭

北面為臣心常鞅鞅

師古曰鞅鞅不滿足也音於亮反他皆類此

今乃事少

主非盡族是天下不安

師古曰族謂族誅之是亦此也

以故不發喪人

或聞以語酈商酈商見審食其曰聞帝已崩四日不發

喪欲誅諸將誠如此天下危矣陳平灌嬰將十萬守滎

陽

○宋祁曰滎舊本作熒

樊噲周勃將二十萬定燕代此聞帝崩

諸將皆誅必連兵還鄉以攻關中

師古曰鄉讀曰嚮還嚮猶言反嚮內嚮也

大臣內畔諸將外反亡可躋足待也

文穎曰躋猶翹也如淳曰躋音如今

作樂躡行之躡晉灼曰許慎云躡舉足小高也音僑師古曰晉說是也

審食其入言之乃

以丁未發喪大赦天下五月丙寅葬長陵

臣瓚曰自崩至葬凡二十

三日長陵在長安北四十里

已下

蘇林曰下音下書之下鄭氏曰已下棺也師古曰蘇音鄭說是也下

音胡亞反

皇太子羣臣皆反至太上皇廟羣臣曰帝起細微

撥亂世反之正

師古曰反還也還之於正道

平定天下為漢太祖功

最高上尊號曰高皇帝

師古曰尊號諡也

初高祖不修文學而

性明達好謀能聽自監門戍卒見之如舊初順民心作

三章之約天下既定命蕭何次律令韓信申軍法張蒼

定章程

如淳曰章程數之章術也程者權衡丈尺斗斛之平法也師古曰程法式也

叔孫通

制禮儀陸賈造新語又與功臣剖符作誓

如淳曰謂功臣表誓使河

如帶太山若屬國乃滅絕

丹書鐵契金匱石室

如淳曰金匱猶金滕也師古曰以金為匱

以石為室重緘封之保慎之義

藏之宗廟雖日不暇給規摹弘遠矣

鄧

曰若畫工規模物之摹臯昭曰正員之器曰規摹者如畫工未施采事摹之矣師古曰取喻規摹謂立制垂範也給足也日不暇足言衆事繁多常汲汲也

贊曰春秋晉史蔡墨有言陶唐氏既衰

荀悅曰唐者帝堯有天下號陶

發聲也韋昭曰陶唐皆國名猶湯稱殷商矣臣瓚曰堯初居於唐後居陶故曰陶唐也師古曰三家之說皆非

也許慎說文解字云陶丘再成也在濟陰夏書曰東至陶丘陶丘有堯城堯嘗居之後居於唐故堯號陶唐氏

斯得之矣其後有劉累學擾龍事孔甲應劭曰擾馴也能順

夏天子也師古曰擾音繞又音饒范氏其後也師古曰晉司空士為之孫士會為晉大夫食采

於范因而大夫范宣子亦曰祖自虞以上為陶唐氏師古

曰范宣子即士會之孫士會也師古曰即在夏為御龍氏師古曰即在商為豕韋

氏師古曰豕韋國名在東郡白馬縣東南在周為唐杜氏師古曰唐杜二國名也殷末豕

韋徙國於唐周成王滅唐遷之於杜為杜伯杜伯之子隰叔奔晉士會即隰叔之玄孫也唐太原晉陽縣也杜

京兆杜晉主夏盟為范氏范氏為晉士師師古曰言晉為霸主諸夏

之盟而范氏為晉正卿

魯文公世奔秦

師古曰文公六年晉襄公卒士會與先蔑如秦逆公

子雍欲以為嗣七年以秦師納雍而趙宣子立靈公與秦師戰敗之于剗首先蔑奔秦士會從之

後歸

于晉其處者為劉氏

師古曰文十三年晉人使魏壽餘偽以魏畔誘士會而納之秦人歸

其帑其別族留在秦者既無官邑而乃復劉累之姓也

劉向云戰國時劉氏自秦

獲於魏

文穎曰六國時秦伐魏劉氏隨軍為魏所獲故得復居魏也師古曰春秋之後周室卑微諸侯

疆盛交相攻伐故總謂之戰國

秦滅魏遷大梁

師古曰秦昭王伐魏魏惠王棄安邑東徙大梁

更號曰梁非始皇滅六國之時○劉敞曰當讀云遷大梁都于豐則與下文合顏解誤矣

都于豐故

周市說雍齒曰豐故梁徙也是以頌高祖云漢帝本系

出自唐帝降及于周在秦作劉涉魏而東遂為豐公

晉灼

曰涉猶入也

豐公蓋太上皇父其遷日淺墳墓在豐鮮焉

古師

曰鮮少也音先淺反

及高祖即位置祠祀官則有秦晉梁荆之巫

應劭曰先人所在之國悉致祠巫祝博求神靈之意也文穎曰巫掌神之位次者也范氏世仕於晉故祠祀有晉巫范會支庶留秦為劉氏故有秦巫劉氏隨魏都大梁故有梁巫後徙豐豐屬荆故有荆巫也世祠

天地綴之以祀豈不信哉

師古曰綴言不絕也

由是推之漢承堯

運德祚已盛斷蛇著符旗幟上赤協于火德自然之應

得天統矣

孟康曰十一月天統物萌色赤故云得天統也臣瓚曰漢承堯緒為火德秦承周後以火

代木得天之統序故曰得天統漢初因秦正至太初元年始用夏正不用十一月為正也師古曰瓚說得之

前漢書卷一下

前漢書卷一下考證

高帝紀下灌嬰追斬羽東城○胡三省曰東城故城括地志在定遠東南五十里

高起王陵對曰注魏相邴吉奏高帝時奏事○臣浩按監本魏相邴吉奏下衍事字蓋涉於下文奏事而誤也今從宋本刪之邴吉依本書當作丙

是日車駕西都長安○臣名南按史記作是日車駕入

都關中是也櫟陽長安俱是關中是日但決計入關

營造長安宮殿實則仍居櫟陽故至七年二月書自櫟陽徙都長安也

治長樂宮○程大昌曰長樂宮本秦之興樂宮周迴二十里高祖改修而居之在長安城東隅

西有濁河之限注○胡三省曰孟津在河內去平原甚遠晉灼說失之拘蓋河流渾濁故謂之濁河也

赦韓信封為淮陰侯○臣名南按此文追叙也据功臣

表曹參等以十二月甲申封而淮陰侯之封直至四

月則知此文為追敘矣

以故東陽郡鄆郡吳郡云云。○劉攽曰云云。○臣召南

按攽所疑是也。但灌嬰傳云破吳郡長吳下得吳守
遂定吳豫章會稽又功臣表博陽侯周聚布反定吳
郡豈項氏嘗分會稽為吳及漢定天下復合為一郡
乎攽並疑鄆非秦郡非也。漢之丹陽即秦之鄆郡也。
蕭何治未央宮。○胡三省曰宮在長安城西南隅。周廻
二十八里。元和志曰東距長樂宮一里中隔武庫

夏五月太上皇后○通鑑考異曰荀悅漢紀五月無后
字七月無崩字蓋荀悅時本尚未訛謬故也

秦徙中縣之民南方三郡注如淳曰秦始皇畧取疆梁

地○臣召南按疆梁地當作陸梁地史記秦始皇本

紀三十一年畧取陸梁地為桂林象郡南海是也宋

本亦誤存說於此

居南方長治之注謂為之長帥而治理之也○帥字訛

師理字訛李今改正

漢別將擊布軍洮水南北。○臣召南按胡三省謂洮水當在江南甚是，但即以零陵郡之洮陽當之零陵去淮南太遠，與下文所云追斬布鄱陽者不合也。

其處者為劉氏。○孔穎達左傳疏曰：士會之帑在秦，不顯於會之身，復無所辟，傳說處秦為劉氏，未知何意。討尋上下其文，不類深疑。此句或非本旨，蓋以為漢室初興，捐棄古學，左氏不顯於世，先儒無以自申，劉氏從秦徙魏，其原本出劉累，挿注此辭，將以媚於世。

明帝時賈逵上疏曰五經皆無證圖讖明劉氏為堯後者而左氏獨有明文竊謂前世藉此以求道通故後引之以為證耳臣召南按孔疏所見甚卓但加此文於左傳實不始於賈逵且并不始於哀平之世據昭帝元鳳三年符節令睦弘上書言漢家承堯之後則彼時左傳已有此文至劉向頌高祖曰出自唐帝王莽稱漢為堯後有傳國之運班彪王命論曰帝堯之苗裔皆在其後者也

卷之三

前

三

前漢書卷一下考證